

# मरकुस

**यहुन्ना बपतिसमा देय वाले अउर उइ केर सन्देश**  
1 परमेशुर के बेटवा यीसु मसीह के सुसमाचार केर सुरुआति।

2 जइस यसायाह नवी केरी पोथी मा लिखा हइ, कि देखउ, हम अपन दूत क तोहरे आगे भेजित हय, जउन तोहरे खातिर मारग सुधरिहइ।

3 जंगल म एक पुकारइ वाले क सबद सुनाई देत हय क परभु केर मारग तयार करउ अउर उइ की रस्तन की सीधी करउ।

4 यहुन्ना आवा, जउन जंगल म बपतिसमा देत अउर पापन केर माफु केर खातिर मन फिराउ क बपतिसमा केर परचारु करति रहइ।

5 अउर सबै यहुदिया देस अउर येरुसलेम केर सबइ रहइ वालेन का निकरि कइ वहि के पास गये रहेन अउर अपन पापन क मानि कइ यरदन नदी वहिते बपतिसमा लिहनि।

6 यहुन्ना ऊँट के रोअंन क कपरा बस्तर पहिन क अउर अपन कमर मां चमड़े क पटुका बाँधे रहति रहइ। अउर टिड्डिन अउर बन सहत मधु खावा करति रहइ। 7 अउर यहु परचारु करति रहइ कि हमरे बादि उइ आवइ वाले हइ, जउन हमते सक्तिमान हइ, हम ई जोग्य नाहीं कि झुकि कई, वहिके जूतन क बन्धन खोली। 8 हम तउ तोहिका पानी ते बपतिसमा देइत हइ, पर ऊ तुमका पवित्र आतमा म बपतिसमा देई।

**यीसु केर बपतिसमा अउर परिच्छा**

9 उन दिनन म यीसु गलीलन के नारसत ते आइकइ यरदन म यहुन्ना ते बपतिसमा लिहिस। 10 अउर जबै ऊ पानी ते निकरि कइ ऊपर आवा तउ तुरतइ ऊ आकास के खुलति अउर आतमा केर कबूतर कि नाई अपन ऊपर उतरति देखिसि। 11 अउर ई आकासवानी भइ कि तू हमार पियारा बेटवा हइ, तोहिते हम परसन्न हन।

12 तबइ आतमा तुरतइ वहिका जंगल की ओर भेजिस। 13 अउर जंगल म चालीस दिन तक सइतान वहिकी परिच्छा किहिस अउर ऊ बन पसुन के साथइ रहा, अउर सरगदूत वहि की सेवा करति रहयं।

**पहिले सिस्सन केर बुलावा जाई**

14 यहुन्ना क पकड़वावइ जाय के बादि यीसु गलील मा आइकेइ परमेशुर के राज क सुसमाचारु क परचारु किहिन। 15 अउर कहिन समय पूर भवा हइ अउर परमेशुर क राजु आइ गवा हइ मन बदलउ। अउर सुसमाचारु पै विसवास करउ।

16 गलील केर झील केर किनारे जाति रहे उइ समौन अउर उइके भाई अद्रियास केर झील म जालु डारति देखिसि, काहे ते उइ मछुवारे रहइ। 17 अउर यीसु उनते कहिन, हमारेइ पाछे चले आउ अउर हम तुइका मनइन क मछुवा बनाइब। 18 उइ तुरतइ जालन केर छोरि कै वहि केर पाछे हुइ लिहिन।

19 अउर कुछु आगे बढ़ि कइ ऊ जबदी केर बेटवा याकूब अउर वहिके भाई यहुन्ना केर नाउ पै जालन केर सुधारत देखिसि। 20 वह तुरतइ उन्ह का बुलाइसि अउर ऊ अपन पिता जबदी केर मजूरन केर साथइ नाउ पे छोरि कइ ऊ के पाछे चला गवा।

**कफरनहूम नगर म उपदेशु अउर अचरज केर कामु**

21 अउर उइ कफरनहूम म आये अउर तुरतइ सबत के दिन सभाघरु म जाइ के उपदेशु करइ लाग। 22 अउर लोगु उइ के उपदेशु ते चकित भये काहे ते ऊ उन्हका सास्त्रियन कि नाई उपदेशु देत रहइ। 23 अउर वही समय उन्ह की सभाघरु म एकु मनई रहइ जेहिमा एकु दुस्ट आतमा रहइ। 24 ऊ चिल्लाइ के कहिस ए यीसु नासरी, हमका तोहिते का कामु का तुइ हमका नास करे आवा हइ? हम तोहिका जानति हइ। तुइ कउनु हइ? परमेशुर केर पवित्र मनई।

25 यीसु वहिका डांटी के कहिन, चुप रहउ अउर

वहिमा ते निकसि जाउ।<sup>26</sup> तबइ दुस्त आतमा उइ का मरोरि कइ अउर बडे सबदन ते चिल्लाइ कइ वहिमा ते निकसि गई।

<sup>27</sup> यहि पइ सबइ लोग अचरज करत भए आपस म वादु—विवादु करइ लाग कि ई का बात हइ? ई तउ कउनउ नवा उपदेसु हइ, ऊ अधिकारु के साथइ दुस्त आत्मा केर आग्या देति हइ अउर उ वहिकी आग्या मानति हइ।<sup>28</sup> तउ सो वहिका नामु तुरतइ गलील केर आस पास केर सारे देस म सबइ जगहन मा फैलि गवा।

### यीसु बहुतन केर चंगा किहिन

<sup>29</sup> अउर ऊ तुरतइ आराधनालय मा ते निकरि कइ याकूब अउर यहुना के साथइ समौन अउर अन्द्रियास के घर आवा।<sup>30</sup> अउर सिमौन की सास ज्वर ते परेसान रहइ, अउर उइ तुरतइ वहि केर बारे म उइते कहिन।<sup>31</sup> तबइ ऊ पासइ जाइके वहिका हाथु पकरि कइ उठाइसि अउर वहिका ज्वर उइ पर ते उतरि गवा। अउर उइकी सेवा टहल करइ लाग।

<sup>32</sup> साइज क जबइ सूरज डूबि गवा तबइ लोग सबइ बीमारन क अउर उनहन क जिन्हमा दुस्त आतमाएं रहइ वहिके पास लइ आए।<sup>33</sup> अउर सारेइ नगर दरवाजे पइ इकट्टा भवा।<sup>34</sup> अउर ऊ बहुतन क जउन बहुती परकार की बीमारिन ते दुखी रहइ, चंगा किहिन अउर बहुती दुस्त आतमा के निकालिन अउर दुस्त आतमन क बोलइ नाई दिहिन, काहे ते वी वहिका पहिचानिसि नाइ रहइ।

### यीसु पराथना कइ खातिर अकेले म जाउब

<sup>35</sup> अउर भोर का दिन निकरइ ते बहुतइ पहिलेइ ऊ उठि कइ निकरा अउर एकु जंगली जगह मां गवा, अउर हुआ पराथना करइ लाग।<sup>36</sup> तबइ समौन अउर उइ के साथिउ वहिकी खोज मं गये।<sup>37</sup> जबइ वह मिला तब वहिते कहिसि कि सबइ लोग तुहिका दूढ़ति हइ।

<sup>38</sup> ऊ उनते कहिसि आउ हम अउर कउनउ आसे पास कि बस्तिन मं जाई कि हम उहउ परचार करी काहे ते हम यही खातिर निकरेन हइ।<sup>39</sup> सो ऊ सारेइ गलील मं उइ केर सभन म जाइ कै परचार करति अउर दुस्त आतमा का निकारति रहा।

### कुस्टरोगन केर सुद्ध किहिन

<sup>40</sup> अउर एकु कोढ़ी वहिके नेरे आइके वहि ते बिनती कहिस अउर वहिके समुहे घुटनन क टिकाइ

के ऊ ते कहिसि, अउर तुइ चाहइ तउ हम सुद्ध करि सकति हइ।

<sup>41</sup> ऊ उन्हे पर तरसु खाइ के हाथु बढ़ासि अउर वहि का छुइके कहिस। हम चाहित हइ तुइ सुद्ध होई जाय।<sup>42</sup> अउर तुरतइ वहिका कोढ़ु जाति रहा, अउर ऊ सुद्ध होइगा।

<sup>43</sup> तबइ ऊ वहिका चिताइ के तुरतइ बिदा किहिस।<sup>44</sup> अउर ऊ ते कहिन देखउ कउनउ ते कुलू न कहेउ, पै जाइके अपन आप क जाजक क दिखाउ, अउर अपन सुद्ध होइके बारे म जउन कलु मूसा टहराइन हउ ऊ भेट चढ़ाउ जेहिते उन्हे पै गवाही होई।<sup>45</sup> ऊ बाहर जाइके ई बात क बहुतइ परचार करइ अउर हियां तलक फइलावइ लाग कि यीसु फिर खुल्लमखुल्ला नगर म न जाइ सका। पर बाहरेइ जंगली स्थानन म रहा, अउर चारिउ ओर ते लोग वहिके नेरे आवत रहै।

### यीसु लकवे कइ रोगिन केर ठीक करिन

**2** कइयउ दिन बादि ऊ फिर कफरनहूमम आवा, अउर सुना गवा कि ऊ घर मा हइ।<sup>2</sup> फिर लोग इकट्टे भये कि दुअरे के पास जगह नाही मिली अउर ऊ उन्हेका (परमेसुर केर) बचनु सुनाइ रहा रहइ।<sup>3</sup> अउर लोगन एकु लकवे के मारे भये रागी क चारि मनई ते उठवाइ के नेरे लइ आए।<sup>4</sup> जबई भीड़ के कारन उइ के नेरे पहुँचि सके, जउनी छत के नीचे ऊ रहइ, खोलि दिहिन अउर जबइ उइका उचारि चुकेइ तबइ उइ खाट क जेहि पइ लकवा क मारा लेटा रइह लटकाइ दिहिन।<sup>5</sup> यीसु उन्हेका बिसवासु देखि कइ उइ लकवा क मारे भये ते कहिन ए बेटवा तोहरे पाप माफु भए।

<sup>6</sup> तबइ कइयउ याक सास्तरी जउन हुंवाइ बैठेइ रहइ अपन—अपन मन मां विचार करेइ लागि<sup>7</sup> कि ई मनई काहे अइस कहति हइ? ई तउ इहि परमेसुर कि निन्दा करत हइ, परमेसुर केर छाँड़ि के अउर कउनु पापन केर माफु कइ सकति हइ?

<sup>8</sup> यीसु तुरतइ आतमा म जानि लिहिन कि वह अपन—अपन मन म अइस विचार कइ रहे हइ अउर उन्हेते कहिन कि तुम अपने मन म यहु विचार कहे कइ रहे हउ? <sup>9</sup> सहज का हइ? का लकवा क मारे ते ई कहब कि तोहरे पाप माफु हुइगे या इउ कहबु कि उठि अपन खटिया उठाइ के चलउ—फिरउ? <sup>10</sup> पइ जेहिते तुम जानि लेउ कि मनई के बेटवा क धरती पै पाप केर माफु करइक अधिकारु हइ, ऊ उइ झोले के मारे भये रागी ते कहिन। <sup>11</sup> हम तुमते कहित

इह, उठउ अपन खटिया उठाइ के अपन घरइ क चले जाउ।<sup>12</sup>अउर ऊ उठा अउर तुरतइ खटिया उठाइके अउर सबहिन के समुहे निकरि कइ चला गवा। ई पइ सबइ चकित हुइगे अउर परमेसुर की बड़ाई करिके कहइ लाग कि हम अइस कबहू नई देखेन।

### लेवी का बुलावा जाना

<sup>13</sup>ऊ फिर बाहेर निकरि कै, झील के किनारे गवा अउर भारी भीड़ उइ के नेरे आइ गई अउर ऊ उन्हका उपदेसु देइ लाग।

<sup>14</sup>जाति भएउ (यीसु ने) हलफइ के बेटवा लेवी का चौकी प बइठ देखिन अउर उइते कहिसि हमार पाछे होइ लेउ।

<sup>15</sup>अउर ऊ उठि कइ वहि के पाछे हुइ लिहिस, अउर ऊ वहिके घर मां भोजनु करइ क बइठ अउर बहुतेइ चुंगी लेने वाले अउर पापिउ यीसु अउर उइके चेलन के साथइ भोजन करइ बइठ, काहे ते उइ बहुतइ रहइ, अउर उइके पाछे हुइ लिए रहइ।<sup>16</sup>अउर सास्त्रिन अउर फरीसियन ने ई देखि कइ कि ई तउ पापिन अउर चुंगी लेइ वालेन के साथइ भोजनु करि रहा हइ। वहिके च्यालन ते कहिन ऊ तौ चुंगी लेइ वालेन अउर पापिन के साथे खाति—पियति हइ।

<sup>17</sup>यीसु ई सुनिकइ उनते कहिन भले चंगन क बैद की जरूरत नाहीं रहति। रोगिन का पापिन का बुलावइ के खातिर हम आये हन धरमिन का नहीं।

### उपवासु के परसंग

<sup>18</sup>यहुन्ना के चेला, अउर फरीसी उपवासु करति हइ। तउन उइ आइके ऊ ते कहिन कि यहुन्ना के च्याला अउर फरीसियन के च्याला काहे उपवासु राखति हइ? पर तोहारि च्याला उपवासु नाई राखति हइ?

<sup>19</sup>यीसु उन्ह ते कहिन, जबै तलक दुलहा बरातिन के साथइ रहति हइ का उइ उपवासु करि सकति हइ? तउ जबइ तलक दुलहा उनके साथ हइ तब तलक उइ उपवासु नाई करि सकति।<sup>20</sup>पर उइ दिन अइहइ कि दुलहा उनते अलग कीन्ह जइहइ। उइ समय वइ उपवासु करि हइ।

<sup>21</sup>कोरे कपड़न क पइबन्दु पुरान पहिरावउन पइ कउनउं नाई लगावति, नाई तउ ऊ पइबन्दु उइ मा ते कछु खींचि लेइहइ यानी नवा, पुरान ते अउर फटि जाई।<sup>22</sup>नवा दाखरस पुरान मसकन कउनउ नाई राखति, नाई तउ दाखरस मसकन क फारि देई, अउर दाखरस अउर मसकइ दोनउ नस्ट हुइ जइहइ पइ

दाख क नवा रस नई मसकन म भरा जाति हइ।

### विसराम दिवस

<sup>23</sup>अउर अइस भवा कि ऊ सबत के दिन खेतन म ते होइ कइ जाति रहइ अउर वहि केर चेला चलति भये बालिन क तोड़इ लागि।<sup>24</sup>तबइ फरीसियन ऊ ते कहिन, देखउ ई सबत के दिन ऊ काम काहे करति हइ, जउन उचित नाई?

<sup>25</sup>वहि उनते कहिसि, का तुम कबहू नाहीं पढ़ेउ कि जबै दाउद क जरूरत भई अउर जबइ ऊ अउर ऊ के साथी भूखे भये, तब ऊ का कहिसि रहइ? <sup>26</sup>वहु काहे ते अबियासार महायाजक के समय म परमेसुर के भवन म जाइके भेंट की रोटिन क खाइस जेहिका खाइ क याजकन क छाँड़ि कइ कउनउ क उचित नाही अउर अपन साथिन क दिहिस।

<sup>27</sup>अउर ऊ उनते कहिसि सबत क दिन मनई के खातिर बनावइ गया हइ, न कि मनई सबत के खातिर।<sup>28</sup>इहि ते मनई क बेटवा सबत दिनउ क मालिक हइ।

**3**अउर ऊ परारथना घर मां फिरि गवा, अउर हुवां एकु मनई रहइ जेहिका हाथु सूखि गवा रहइ।<sup>2</sup>अउर उइ ऊ पइ दोसु लगावइ के खातिर ऊ कि घात मां लाग रहइ कि उई देखि कि ऊ सबत केर दिन मां ऊका चंगा करति हइ कि नाई।<sup>3</sup>ऊ सूखे हाथ वाले मनई ते कहिसि बीच मां खड़े होउ।

<sup>4</sup>अउर ऊ कहिसि कि का सबत के दिन भला करब ठीक हइ या बुरा करबु, परान क बचाउब या मारबु पर उइ चुपइ रहै।

<sup>5</sup>अउर वह उनके मन केर कठोरता ते उदास होई के उन्हका कुरोध ते चारिउ ओर देखिसि अउर उइ मनई ते कहिसि अपनु हाथु बढ़ावउ, वह बढ़ाइसि अउर उइका हाथु चंगा होइ गवा।<sup>6</sup>तबई फरीसी बाहर जाइके तुरतइ हेरोदियन के साथइ ऊ के विरोध मां सलाह—सूत करइ लाग। उइका कउनी तरह नास करइ।

### यीसु केर पाछे भीड़

<sup>7</sup>अउर यीसु आपने चेलन के साथइ झील की ओर चला गवा अउर गलील ते याक भारी भीड़ उइके पाछे हुइ लिहिसि।<sup>8</sup>अउर यहूदिया, अउर यरुसलेम अउर इदुमियां ते, अउर यरदन के पार, अउर सूर अउर सैदा के अउर आसइ पास ते एकु भारी भीड़ ई सुनिकै, कि ऊ कइस अचम्भा के काम करति हइ,

ऊ के नेरे आई।<sup>9</sup>अउर ऊ अपन चेलन ते कहिसि, भीड़ के कारन एकु नाउ हमरे खातिर तइयार रहइ जेहिते उइ हमका दबाइ न सकइ।<sup>10</sup>काहे ते उइ बहुतन क चंगा किहिस रहइ इह खातिर जितनेइ लोग रोग ते पीड़ित रहइ ऊ का छुवइ के खातिर ऊ पइ गिरत परेइ रहइ।<sup>11</sup>अउर दुस्त आतमउ जबइ उइका देखति रहइ तउ उइ के आगेइ गिरि परति रहइ। अउर चिल्लाइ कइ कहति रहइ कि तुइ परमेसुर क बेटवा हइ।<sup>12</sup>अउर ऊ उनहुन का बहुतइ चेताइसि कि हमका परगट न किएउ।

### बारह परेरितन केर नियुक्ति

<sup>13</sup>फिर वहु पहाड़ पइ चढ़ि गवा, अउर जिनहिन क ऊ चाहति रहइ, उनहिन क अपन नेरे बुलाइसि अउर उइ ऊ के नेरे आइ गए।<sup>14</sup>तब वह बारह मनइन क चुनिसि कि उइ उइके साथइ साथ रहइ अउर ऊ उइका भेजइ कि परचारु करइ।<sup>15</sup>अउर दुस्तआतमान क निकासइ क अधिकारु राखइ।<sup>16</sup>अउर वह ई हई। समौन जेहिका नाउ ऊ पतरस राखिसि।<sup>17</sup>अउर जबदी केर बेटवा याकूब, अउर याकूब कौ भाई यहुन्ना, जिन्हका नाउ ऊ बुअनरगिस, यानी गरजन केर बेटवा राखिसि।<sup>18</sup>अउर अन्द्रियास, अउर फिलिप्पुस, अउर बरतुलमै, अउर मत्ती अउर थोमा, अउर हलफई क बेटवा याकूब, अउर तद्दी, अउर समौन कनानी।<sup>19</sup>अउर यहूदा ईसकरियोती, जउन वहिका पकरवाइव दिहिस।

### यीसु अउर सैतान

<sup>20</sup>अउर ऊ घर मां आवा, अउर अइसि भीड़ इकट्टी हुई गयी कि उइ रोटीउ न खाइ सके।<sup>21</sup>जबइ वहिके कुटुम्बिन ई सुनिन तउ उइका पकड़इ केर खातिर निकरे काहे ते उइ कहति रहइ कि वहिका चित्तु ठिकाने नाहि हवै।

<sup>22</sup>अउर साख्री तउ यरुसलेम ते आएइ रहइ, ई कहति रहइ कि वहिमा सैतान हइ, अउर इहउं ऊ दुस्त आतमन के सरदार केर सहारे ते दुस्त आतमन क निकारति हइ।

<sup>23</sup>अउर ऊ वहु उनहका नेरे बुलाइ क उनह ते उदाहरनु दइ के कहइ लाग, सैतान काहे ते सैतान क निकारि सकति हइ? <sup>24</sup>अउर अगर कउनउ घरमा फूट परइ तउ ऊ राखि ते कइसइ इसथिर बनी रहि सकति हइ। <sup>25</sup>अउर अगर कउनउ घरमा फूट पर तउ ऊ कइसइ बना रहि सकति हइ? <sup>26</sup>अउर अगर सैतान अपनइ विरोधी होइ कइ अपनइ में फूट डारइ तउ ऊ

काहे ते बना रहि सकत हइ? उइ का अब अन्तइ होइ जाति हइ।<sup>27</sup>पइ कउनउ मनई कउनउ बलवान के घर मां घुसि कइ ऊ का माल लूटि नाहीं सकति, जबइ तलक कि उइ पहिलेइ वहि बलवान क न बांधि लेइ अउर तबइ वहि के घर क लूटि ले हई।<sup>28</sup>हम तोहि ते सांचइ कहति हइ, कि मनइन कि सन्तानन के सबइ पाप अउर निन्दा जउन वी करति हइ माफु कीन जइहई।<sup>29</sup>पर जउन कउनउ पवित्तर आतमा का विरोधु अउर निन्दा करइ ऊ कवहू माफु नहीं कीनि जइ हइ बल्कि ऊ अपराधी ठहरति हई।

<sup>30</sup>काहे ते वइ कहति रहइ कि उइमा दुस्त आतमा हइ।

### यीसु केर महतारी अउर भाई

<sup>31</sup>अउर उकी महतारी अउर उइके भाई आए, अउर बहरेह होइ कइ उइका बुलावाइ भेजिनि।<sup>32</sup>अउर भीर ऊ के आस—पास बइठी रहइ अउर उनहुन उइते कहिन देखउ, तोहार महतारी अउर तोहार भाई बाहरइ तोहिका दूहति हइ।

<sup>33</sup>ऊ उइका जवाबु दिहिस कि हमार महतारी अउर हमार भाई कवनु हइ?

<sup>34</sup>अउर उइ पइ जउन उइके आसइ पास बइठइ रहइ निगाह डारि कइ कहिसि, देखउ हमार महतारी अउर हमार भाई हई।<sup>35</sup>काहे ते जो कोउ परमेसुर की इच्छा पर चलइ वहइ हमार भाई, अउर बहिनी, अउर महतारी हइ।

### बीज बोवइ वाले किसानन केर उदाहरनु

**4**वह फिर झीलइ के किनारे उपदेसु देइ लाग; अउर अइस भीड़ उनके नेरे इकट्टी हुई गइ कि ऊ झील मां याक नाउ प चढिके बैठि गवा, अउर सारेइ भीड़ धरती पइ झील के किनारे खड़ी रहि गई।<sup>2</sup>अउर ऊ उनका उदाहरनन मा बहुतइ बातइ सिखावइ लाग अउर आपन उपदेसु उनते कहिसि।<sup>3</sup>मुनत देखउ, एक बोवइ वाला (बोवनी करइ वाला) बीज बोवन के खातिर निकरा।<sup>4</sup>अउर बोवति समय, कछु मारग के किनारे गिरि गवा अउर पच्छिन आइ कइ उइका चुगि लिहिन।<sup>5</sup>अउर कुछ पथरीली जमीन पर गिरा जहां उइका बहुत माटी नाई मिला अउर गहिरी माटी न मिलय के कारन जल्दइ उगि आवा।<sup>6</sup>अउर जबइ सूरज निकरि आवा तबइ जलि गवा, अउर जर न पकरइ के कारन सूखि गवा।<sup>7</sup>अउर कछु तौ झाड़िन म गिरा अउर झाड़िन बढ़ि कइ ऊका, दबाइ लिहिन, अउर

ऊ फलु नाई लावा।<sup>8</sup>पइ कछु अच्छी भूमि पर गिरा रहई अउर ऊ उगि आवा, अउर बढ़ि कइ फलि गवा, अउर कउनउ तीस गुना, कउनउ साठ गुना, अउर कउनउ तउ सौ गुना फल लावा।

<sup>9</sup>अउर ऊ कहिसि जेहिके पास सुनइके खातिर कानु होइ ऊ सुनि लेइ।

<sup>10</sup>जबइ वह अकेल रहि गवा, तउ उइके साथिन उन बारहउ के समेत उहिते इन उदाहरन के बारे म पूछिसि।<sup>11</sup>ऊ उन्हेते कहिसि तुमका तउ परमेसुर के राज के भेदन कि समझ दीन गई हइ, पर बाहर वालेन के खातिर सबइ बातेइ उदाहरनन म होति हइ<sup>12</sup>ई खातिर कि वइ देखे का हुवै देखै अउर उन्हेका सुझाई न परइ अउर सुनति भयेन सुनइ, अउर न समुझइ, अइस न होइ वह फिरिउ, अउर छिमउं न किएइ जाइ।

<sup>13</sup>फिर ऊ उनते कहिसि का तुमई उदाहरन क नाहीं समझति? तउ फिर अउर सबइ उदाहरन क कइसे समझिहउ।<sup>14</sup>बोवई वाला वचन बोवति हइ।<sup>15</sup>जउन मारग के किनारे के हई जहां वचनु बोवा जाति हइ।<sup>16</sup>अउर वइसइ जउन पथरीली जमीन प बोये जाति हइ ई वइ हइ, कि जउनु वचनु क सुनि कइ तुरतइ आनन्द ते गरहन करि लेत हइ (अपनाइ लेत हई)।<sup>17</sup>परन्तु अपन भीतरि जइ न राखइ क खातिर थोरइ दिनन के खातिर रहति हइ, ई के बादि जबइ वचनु के काने उइ पइ कलेसु या उपदरव होत हइ, तउ वइ तुरतइ ठोकरु खाति हइ।<sup>18</sup>अउर जउन झाड़िन म बोये गये रहई ई वइ हई जउन वचन सुनिन।<sup>19</sup>अउर संसार की चिन्ता, अउर धन का धोखा, अउर दुसरी वस्तुन का लोभ उइ मां समाइ कइ वचनु का दबाइ देति हइ, अउर ऊ निसफल रहि जाति हइ।<sup>20</sup>अउर जउन अच्छी भूमि म बोए गये रहई, ई वह हई जउन वचनु सुनि कइ ध्यानु करति हइ अउर फलु लावति हई, कवनउ तीस गुना, कवनउ साठ गुना, कवनउ सउ गुना।

### दिये केर उदाहरनु

<sup>21</sup>अउर ऊ वहिते कहिसि का दिये क ई खातिर लावति हउ कि पैमाने या खटिया के नीचे रखा जाई? का यहि कि दीवट प रखा जाई? <sup>22</sup>काहे ते कउनउ वस्तु छिपै नाई, पइ ई खातिर की परगट होइ जाई।<sup>23</sup>अउर न कछु गुप्तइ, पर ई खातिर कि परकट होई जाइ। अगर कउनउ के सुनेइ के कान होई तउ सुनि लेइ।

<sup>24</sup>फिर ऊ उनते कहिसि, चौकसइ रहउ कि का

सुनति हउ? जउन नाप ते तुइ नापति हइ वही ते तोहारेउ खातिरिउ नापा जाई, अउर ताकहिका अधिक दीन जाई।<sup>25</sup>काहे ते जेहिके पास हइ, उइ का दीन जाई। पइ जेहिके पास नाई हइ, वहिते जउनु वहिके पास हइ लय लीनि जाई।

### उगेन वालेन बीज केर उदाहरनु

<sup>26</sup>फिर ऊ कहिसि परमेसुर का राज अइसइ हइ, जइस कउनउ भूमि पइ बीजु बोवइ।<sup>27</sup>अउर राति का सोवइ, अउर दिन का जागइ, अउर ऊ बीजु अइस उगइ अउर बढ़इ कि ऊ न जानइ।<sup>28</sup>धरती आपइ आप फल लावति हइ, पहिलेन अंकुर, तबइ बाली, अउर तबइ बालिन म तइयार दाना।<sup>29</sup>पर जबइ दाना पकि जाति हइ तबइ ऊ तुरतइ हंसिया लगावति हइ। काहे ते कटनी क समय आइ गवा हइ।

### राई केर बीज केर उदाहरनु

<sup>30</sup>फिर ऊ कहिसि हम परमेसुर के राज केर उपमा केहिते देई अउर कउन उदाहरन ते वरनन करी।<sup>31</sup>परमेसुर केर राज बहु राई के दानइ के समान हइ, जबइ भूमि म बोवा जाति है तबइ भूमि की सबइ बीजन ते छोटा होत हइ।<sup>32</sup>पर जबइ बोवा गवा तउ उगि कइ सबइ साग पातन ते बड़ा होइ जाति हइ। अउर उइकी अइसन बड़ी डारइ निकरति हइ कि आकास के पंक्षी उइ की छाया म बसेरु करि सकति हई।

<sup>33</sup>अउरवहु उन्हेका ई तरह के बहुतइ उदाहरन देइ—देइ कइ उनहुन कि समझ के मुताबिक वचनु सुनावति रहइ।<sup>34</sup>अउर बिना उदाहरन कहे उनते कुछ नाई कहति रहइ, पर अकेले मं ऊ अपन निज के चेलन क सबइ बातन क अरथु बतावति रहइ।

### तूफान केर सान्त किहिन

<sup>35</sup>वही दिन जबइ सांझ भई, तउ ऊ उनते कहिस आउ, हम पार चली।<sup>36</sup>अउर उइबे भीड़ क छाड़ि कइ जइस ऊ रहइ वइसइ उनहुक नाव पे साथइ लइ चलो, अउर ऊ के साथइ, अउरउ नावइ रहइ।<sup>37</sup>तबइ बड़ी आंधी आई, अउर लहरइ नाउ प हिया तलक लागी कि अब पानी ते भरी जाती रहइ।<sup>38</sup>अउर ऊ (योसु मसीह) खुद पहिल भाग म गद्दी पै सोइ रहा रहइ। तबइ उइ ऊ का जगाइ के उइते कहि हे गुरु का तोहिका हमार चिन्ता नाही कि हम नासि भये जाइति हई?।

<sup>39</sup>तबइ ऊ उठि कइ आंधी कइ डांटिसि अउर पानी

ते कहिस सान्त रहउ, थमि जाउ, अउर आंधी थमि गई अउर बड़इ चैनु हुइ गवा।

<sup>40</sup>अउर उनते कहिसि तुम काहे डरति हउ? का तुम्ह का अबइ तलक बिसवासु नाई?

<sup>41</sup>अउर उइ बहुतइ डरि गये, अउर आपस म बोले, ई कवनु हइ कि आंधी अउर पानिउ उइकी आग्या मानति हई।

#### दुस्ट आतमन ते जकड़ी मनई का स्वस्थ करिन

**5**अउर उइ (यीसु) झील के पार गिरासेनियनस के देस मं पहुँचि गये। <sup>2</sup>अउर जबइ ऊ नाव ते उतरा तबइ तुरतइ याक मनई जेहिमा दुस्ट आतमा रहइ कबरन ते निकरि कइ ऊ का मिलि गवा। <sup>3</sup>ऊ कबरन मं रहा करति रहइ, अउर कउनउ उइ का सांकलन तेउ नाई बांधि सकति रहइ। <sup>4</sup>काहे ते ऊ बार-बार बेड़ियन के टुकड़े-टुकड़े करि दिहिस रहइ। अउर कउनउ उइका बस मां नाइ करि सकति रहइ। <sup>5</sup>ऊ बराबर राति-दिन कबरन अउर पहारन म चिल्लात अउर अपनेइ आप का पथरन ते घायल करति रहइ।

<sup>6</sup>ऊ यीसु क दूरइ ते देखि कइ दौरि परा अउर ऊ का परनामु किहिस अउर ऊंचई सबदन में चिल्लाइ कइ कहिसि। <sup>7</sup>हे यीसु, परमपरधान परमेसुर के बेटवा मोहिका तोहिते का कामु? मइ तोहिका परमेसुर की सपथ देइत हइ कि मोहिका पीर न देइ। <sup>8</sup>काहे ते वहिते कहिसि रहइ हे दुस्ट आतमा, ई मनई ते निकसि आउ परमेसुर के सपथ हमका न सताउ।

<sup>9</sup>ऊ यीसु वहिते पूछिसि, तोहार का नाम हइ? ऊ यीसु वहिते कहिसि हमार नाम सेना हइ; काहे ते हम बहुतइ हन। <sup>10</sup>अउर ऊ वहिते बिनती किहिस रहै, हमका ई दुसे के बहिरे न भेजव।

<sup>11</sup>उहां पहार पइ सुअरन क एकु बहुतइ बड़ा झुंड चरि रहा रहइ। <sup>12</sup>अउर उइ वहिते बिनतीकइ कइ कहिसि कि हमका उइ सुअरन म भेजि देउ, कि हम उनके भीतरइ जाई। <sup>13</sup>सोउ ऊ यीसु उन्हका आग्या दिहिस अउर दुस्ट आतमा निकरि कइ सुअरन के भीतरइ पैठि गई अउर झुंड जउन कउनउ दुइ हजार क रहइ कगारि ते झपटि कइ झील म जाइ गिरा अउर डूबि कइ मरि गवा।

<sup>14</sup>अउर उन्हके चरवाहउ भागि कर नगर अउर गाँवनु म जाइ करि समाचार सुनाइनि। <sup>15</sup>अउर जउन हाजिर रहइ लोग उइका देखइ आए अउर यीसु के नरे आइ कइ ऊ का जेहिमा दुस्ट आतमाएं रहइ यानी जेहिमा सेना समाई रही कपरा पहिनन अउर सचेतइ

बैठइ देखि कइ भय खाइगे। <sup>16</sup>अउर देखइ वालेन ऊ का जेहिमा दुस्ट आतमाएं रहइ सुअरन केर पूर हालु उन्हका कहि सुनाइनि। <sup>17</sup>अउर उइ लोग उइते बिनती करि कहइ लाग कि हमरे सिखावन ते चले जाउ।

<sup>18</sup>अउर ऊ नाव पइ चढ़इ लाग तबइ ऊ मनई जेहिमा दुस्ट आतमाएं पहिलेन ते रहइ ऊ ते बिनती करइ लाग कि मोहिका अपनेइ साथइ रहइ देउ। <sup>19</sup>ऊ यीसु उइका आग्या न दिहिस अउर उइते कहिसि अपन घरइ जाइ कइ अपन लोगन क बताउ कि तुहि पइ दया करि कइ परभु तोहरे खातिर कइस बड़ेइ कामु किहिस हइ। <sup>20</sup>ऊ जाइकइ दिकपुलिस म ई बात क परचार करइ लाग कि यीसु हमार खातिर कइस कइस बड़ेइ कामनु क किहिसि अउर सबइ अचरज करति रहइ।

#### मरइ बिटिया अउर बिमार औरत

<sup>21</sup>जबइ यीसु नाउ ते झील केर पार गये तबइ याक बड़ी भीड़ इकट्टा हुइ गई। <sup>22</sup>अउर उइ झीलइ के किनारेइ रहइ याईर नाउ क आराधनालय के पुजारिन म ते एकु आवा, अउर वहिका देखिकइ ऊ के पावन पइ गिरि पड़ा। <sup>23</sup>अउर ऊ ई कहिसि कइ बहुतइ बिनती किहिस कि हमारी छोटी बिटिया मरइ पै हइ, तुइ आइकइ ऊ पै आपन हाथु राखउ कि ऊ चंगी हुइ कइ जीयतइ रहई। <sup>24</sup>तबइ ऊ (यीसु) उइके साथई चला अउर याक बड़ी भीड़ उइके पीछे हुइ लिहिसि हियां तलक कि लोग उइ पइ गिरत परति रहई। <sup>25</sup>अउर एकु अउरत, जेहिका बारह बरस ते खून बहइक रोगु रहा। <sup>26</sup>अउर जउन अनेकन वैदन ते बहुतइ दुःखु उठाइसि अउर अपन सबई धनु खरचि कइ दिहइ, कछु लाभ न उठाइ पाइसि रहइ, बल्कि अउरउ रोगी हुइ गइ रहइ। <sup>27</sup>यीसु की चर्चा सुनि पाइसि वहि भीड़ म उइके पाछे ते आई अउर ऊ के कपरन क छुई लिहिसि। <sup>28</sup>काहे ते ऊ कहति रहइ कि अगर हम उइ के बस्तरउ छुइ लेइव तउ चंगी हुइ जाइव। <sup>29</sup>अउर तुरतइ ऊ का खून बहब बन्द हुइ गवा। अउर उइ अपन देही म जानि लिहिसि कि हम उइ बीमारी ते मुक्ति पाइ गयेन।

<sup>30</sup>यीसु तुरतइ अपन म जानि लिहिसि कि हम मां समरथ सक्ति निकरी हइ अउर भीर मां पाछे फिरि कइ पूछिसि कि हमार कपरा कउनु छुइसि?

<sup>31</sup>उइके चलन ऊ ते कहनि कि तुइ देवता हइ कि भीर तोहरे प गिरि परति हइ, अउर तुइ कहति हइ कि कवनु मोहिका छुइसि?

<sup>32</sup>तबइ ऊ (यीसु) वहिका देखइ कि खातिर जउनु ई कामु क कहिसि रहइ, चारिउ ओर देखिस। <sup>33</sup>तबइ ऊ अउरत ई जानि के कि मोरि कइसि भलाइय भई हइ, डरति अउर कांपति भइ आई अउर ऊ के पाउनु प गिरि कइ ऊ ते सबइ हालु सांचइ सांचु कहि दिहिस। <sup>34</sup>ऊ (यीसु) ऊ ते कहिसि बिटिया तोहार बिसवासु तुइ का चंगा कहिस हइ, कुसल ते जाउ अउर अपन ई बीमारी ते बचिइय रहउ।

<sup>35</sup>ऊ (यीसु) ई कहतइ रहइ कि पूजा घर के सरदार कइ घर ते लोगन आइकइ याईर ते कहिनि कि तोहार बिटिया तउ मरि गइ, अब काहे दुख देति हइ।

<sup>36</sup>जउन बात क उइ कहि रहेइ, वहिका यीसु अनसुनी कर कइ पूजा घर के सरदार ते कहिसि, डरउ नाहिं केवलु बिसवासु राखउ।

<sup>37</sup>अउर ऊ (यीसु) पतरस अउर याकूब के भाई यहुन्ना केर छोड़ि के अउर कउनउ क अपने साथइ आवइ नाहिं दिहिस। <sup>38</sup>अउर पूजाघरु के सरदार के घर पर पहुचि कइ ऊ लोगन क बहुतइ रोवति अउर चिल्लावति देखिसि। <sup>39</sup>तबइ ऊ (यीसु) भीतरि जाइके उइतेकहिसि तुम काहे रोवति अउर काहे हल्ला मचावति हइ? बेटउनी मरी नाहिं हइ, पर सोइ रही हइ। <sup>40</sup>ऊ की हंसी करइ लागि पर ऊ (यीसु) सबन के निकांरि कइ बिटेउनी की महतारी अउर बापु क अउर अपन साथिन क लइ कइ भीतरि जहां बिटेउनी परी रहइ गवा। <sup>41</sup>अउर बिटेउनी क हाथु पकरि कइ ऊ ते कहिसि ‘तलोता कूमे’! ‘जेहिके माने हइ कि हे बिटेउनी हम तोहिते कहित हउ उठउ’। <sup>42</sup>अउर बिटेउनी तुरतइ उठि कइ चलइ फिरउ लागि। काहे ते ऊ बारह बरस की रहइ अउर ई पइ लोग बहुतइ चकित हुइगे। <sup>43</sup>फिरि ऊ उनका चितइ कइ आग्या (हुकुम) दिहिसि कि ई वातु क कउनउ जानइ न पावइ, अउर कहिसि कि उइका कुछ खाए क दियइ जाइ।

#### नबी अपमानु

**6**यीसु उहां ते निकरि कइ अपन देस मं आवा, अउर ऊ के चेलउ ऊ के पाछे हुई लिहिन। <sup>2</sup>सबत के दिन ऊ (यीसु) पूजा घर म उपदेसु करइ लाग, अउर बहुतइ लोग सुनिकइ चकित हुइगे अउर कहइ लाग, ईका ई बातइ कहां ते आइ गई? अउर कइसे इ सामरथ के काम ई के हाथन परगट होति हइ? <sup>3</sup>का इउ उहइ बड़ई नाई जउनु मरियम क बेटवा अउर याकूब, योसेस यहूदा, अउर सिमौन का भाइय

हइ, अउर का उइकी बहिने इहां हमरे बीच म नाहीं रहती? ई ते उनहुन ऊ के बारे म ठोकरु खाइन।

<sup>4</sup>यीसु उनते कहिसि कि नबी अपन उपदेसु अउर अपन कुटुम्ब अउर अपन घरु का छोड़ि अउर कहउं निरादरु नाहीं होति। <sup>5</sup>अउर ऊ उहां कउनउ सामरथ क कामु न करि सका केवलु थोरेइ रोगिन कइ हाथु थामि कइ उनहका चंगा करि दिहिस।

<sup>6</sup>अउर ऊ उनके अविस्वासु पइ अचरजु किहिस। अउर चारहु ओर के गांवन म उपदेसु करत फिरा।

#### परेरितन का भेजिन

<sup>7</sup>अउर ऊ बारहों परेरितन क अपनेइ पास बुलाइ कइ उनहका दुइ-दुइ करिकइ भेजइ लाग अउर उनहका दुस्त आतमन प अधिकारु दिहिस।

<sup>8</sup>अउर ऊ (यीसु) उनहका आग्या दिहिस कि मारग के खातिर लाठी छोड़ि अउर कुछउ न ले, न तउ रोटी न झोरी अउर न बटुआ म पइसेई। <sup>9</sup>यइ जूतिन क पहिनेउ अउर दुइ-दुइ कुरता न पहिनउ। <sup>10</sup>अउर ऊ उनहते कहिसि, जउनउ कहुं तुइ कउनउ घरु म उतरउ तउ जब तलक हुवांते विदा न होउ, तब तलक वही म ठहरे रहउ। <sup>11</sup>जउन कउनउ लोग तुहिका गरहन न करइ, अउर तोहरी न सुनइ उहां ते चलतइ अपन तरवन की धूलि झारि डारिउ कि उनह पइ गवाही होइ।

<sup>12</sup>अउर उनहुन जाइ कइ परचारु किहिन कि मन क फिराउ। <sup>13</sup>अउर बहुतेरी दुस्त आतमन का निकासिन। अउर बहुतइ रोगिन पइ तेल मालिस कइ उनहका चंगा किहिन।

#### यहुन्ना बपतिसमा दाता केर मऊत

<sup>14</sup>अउर हेरोदेस के राजा ऊ की चरचा सुनिन काहे ते उइका नामु फैलि गवा रहइ। अउर ऊ कहिस कि यहुन्ना बपतिसमा देइ वालेन मरे हुअन म ते जी उठा हइ। यही ते उइ तेई सामरथ के काम परगट होति हइ।

<sup>15</sup>अउर अउरन कहिन ई इतिव्याह हइ, पइ दुसरेन कहिन कि नबी या नबिन मा ते कउनउ याक के समान हइ।

<sup>16</sup>हेरोदेस ई सुनिकइ कहिसि जउन यहुन्ना क सिरु हम कटवावा रहेइ ऊ उठा हइ।

<sup>17</sup>काहे ते हेरोदेस आपइ अपन भाई फिपिपुस कि पत्नी हेरोदियास कि खातिर, जेहिते ऊ बियाहु किहिस रहइ लोगन क भेजि कइ यहुन्ना क पकरवाइ कइ बन्दी घर म डारि दिहिस रहइ। <sup>18</sup>काहे ते यहुन्ना हेरोदेस ते कहिसि रहइ कि अपनेइ भाई की पत्नी का

राखब तोहिका उचित नाइ हइ।<sup>19</sup> यहिते हेरोदियास ऊ ते बैरु राखति रहइ अउर ई चाहति रहइ कि उइका मरवाइ डारइ, पर अइस नाई हुइ सका।<sup>20</sup> कहे ते हेरोदेस यहुन्ना कइ धरमी अउर पवित्र पुरुस जानिकइ ऊ ते डरति रहइ अउर उइका बचाएइ राखति रहइ। अउर ऊ की सुनि कइ बहुतइ घबराति रहइ, पर आनन्द से सुनति रहइ।

<sup>21</sup> अउर ठीकइ अवसरु पइ जबइ हेरोदेस अपन जनम दिनु पइ अपन परधानन अउर सेना पतिन, अउर गलील के बड़ेइ लोगनु के खातिर दावत किहिस।<sup>22</sup> अउर वहइ हेरोदियास कि बिटिया भीतरि आई अउर नाचिकइ हेरोदेस अउर उइके साथइ बइठइ वालेन क परसन किहिसि, तबइ राजा लतकिसि कहिसि, तुई जउनु चाहइ मोहिते मांगिहइ, हम तोहिका देइब।<sup>23</sup> अउर उइते सपथ खाइसि कि हम अपन आधउ राज तलक जउन कछु तू मोहिते मांगि हइ उइ का हम तोहिका देइब।

<sup>24</sup> ऊ बाहर क जाइकइ अपन महतारी ते पूछिसि कि हम का मांगी? ऊ कहिसि यहुन्ना बपतिसमा देइ वाले क सिरु ।

<sup>25</sup> ऊ तुरतइ राजा के नेरे भीतर क आइ गइ अउर ऊ ते विनती किहिसि हम चाहति हइ कि तू अबउ यहुन्ना बपतिसमा देइ वाले क सिरु याक धार मा मोहिका मंगवाइ देइ।

<sup>26</sup> तबइ राजा बहुतइ उदासु भवा पइ अपनेइ सपथ के खातिर अउर साथइ बइठे वालेन क खातिर उइका टारब न चाहिसिं।<sup>27</sup> अउर राजा तुरतइ याक सिपाहि क आग्या देइ कइ भेजिसि कि उइका सिरु काटि लावई।<sup>28</sup> ऊ जेल खाना ते सिरु काटि लावा अउर लइकी क दिहिसि अउर लइकी अपन महतारी क दिहिसि।<sup>29</sup> ई सुनिकइ उइके च्याला आइगे अउर ऊ की लोथ उठाइ कइ कबर म राखि दिहिन।

### पाँच हजार केर भोजन कराना

<sup>30</sup> परेरितन यीसु के पासइ आइकइ एकट्ठा हुइ कइ जउन कछु उइ कहिन रहइ अउर सिखाइनि रहइ सबइ कछु उइका बताइ दिहिन।<sup>31</sup> वहु उनते कहिसि तुइ खुदइ अलगइ कउन जंगल के स्थानु म आइकइ थोर विसराम करउ काहे ते बहुत लोग आवति जाति रहइ, अउर उइका खावइ क अवसरउ नाई मिलति रहइ।

<sup>32</sup> यहिते यीसु नाउ पइ चढ़िकइ सुनसान जगह म अलाइ चलेइ गये।<sup>33</sup> अउर बहुतन उइका जाति देखि कइ उहां पैदरि दउरे अउर उनते पहिलेइ जाइ

पहुंचे।<sup>34</sup> ऊ निकरि कइ बहुतइ भीड़ देखिसि अउर ऊ पइ तरसु खाइसि काहे ते उइ उइ भेड़न के जइस रहइ, जिन्ह केर कउनउ रखवारु न होय। अउर ऊ उइका बहुतइ बातइ सिखावइ लाग।

<sup>35</sup> जबइ दिनु बहुतइ ढरि गवा, तउ ऊ के च्याला ऊ के नेरे आइके कहइ लाग। ई सुनसान जगह हइ अउर दिनु बहुतइ ढरि गवा हइ।<sup>36</sup> उइका विदा करि कि चारिउ ओर के गांवन अउर बस्तिन म जाइ कइ आपन खातिर खाव क कछु मोलु लिययँ।

<sup>37</sup> ऊ उनहका उत्तर दिहिस, कि तुहइ उइ का खाइक देउ, उनहुन उइते कहिन का हम सउ दीनारु की रोटी मोल लेइ अउर उइ का खिलाई?

<sup>38</sup> ऊ उइते कहिसि, जाइकइ देखउ तोहरे पासइ किती रोटिय हंइ? उइ मालूम करि कइ कहिन पांच रोटी अउर दुइ मछरी हय।

<sup>39</sup> तबइ ऊ उइका आग्या दिहिस कि सबहिन क हरियर घासु पइ पांति—पांति म बइठाइ देउ।<sup>40</sup> उइ सब सउ अउर पचास—पचास की पांतिन म बइठिगे।<sup>41</sup> अउर ऊ उइ पांच रोटिन क अउर दुइ मछरिन क लिहिन अउर सरग की ओर देखि कइ धनवाडु किहिन अउर रोटिन क तोरि—तोरि कइ च्यालन क देति गवा कि उइ लोगन क परोसइ अउर दुइ—दुइ मछरिउ साथइ म उइ सबन म बांटे देइ।<sup>42</sup> अउर सबई खाइके अघाइगे (तिरपत हुइगे)<sup>43</sup> उनहुन टुकरन ते बारह टुकरिन क भरि कइ उठाइन अउर कछु मछरिनउ ते।<sup>44</sup> जउन उइ रोटिन क खाइन, उइ पांच हजार मनई रहइ।

### यीसु झील पै चलति

<sup>45</sup> तबइ ऊ तुरतइ अपन चेलन क बरबस नाउ प चढ़ाइसि कि उइ ऊते पहिलेइ उइ पार बइतसइदा क चलेइ जाय, जब तलक ऊ उइ लोगन क विदा करइ।<sup>46</sup> अउर उइ का विदा करिकइ पहार पइ परारथना करइ क गवा।

<sup>47</sup> अउर जबइ सांझ भई, तउ नाउ झील के बीचइ म रहइ अउर ऊ अकेल धरती पइ रहइ।<sup>48</sup> जबइ ऊ देखिसि कि उइ खेवति—खेवति घबराइ गये हंइ, काहे ते हवा ऊ के उल्टेइ रहइ, तउ राति के चउथे पहर के पास ऊ झील प चलति भए उइ के पासइ आवा अउर उनह ते आगेइ निकरि जावा चाहति रहइ।<sup>49</sup> पइ उनहुन ऊ झील प चलति देखि कइ समझिसि, कि भूत हइ अउर चिल्लाइ उठे, काहे ते सबइ उइका देखि क घबराइ गये रहइ।<sup>50</sup> पइ ऊ तुरतइ उनते बातइ किहिसि अउर कहिसि ढाढ़स बांधेउ हम हन, डरउ



नाहि। <sup>51</sup>तबइ ऊ उन्हेके पासइ नाउ प आवा, अउर हवा थमि गई, अउर उइ बहुतइ अचरजु करइ लाग। <sup>52</sup>काहे ते वे उन रोतिन के बारे म न समझे रहइ, पइ उन्हे केर मन कठोर हुइगे रहइ।

<sup>53</sup>अउर उइ पार उतरि कइ 'गन्नेसरत' म जाइ पहुँचे अउर नाउ घाट पे लगाइनि। <sup>54</sup>अउर जबइ उइ नाउ परते उतरे तउ लोगनु तुरतइ ऊ का पहिचानि कइ। <sup>55</sup>आस—पास के सारे देसु म दउरे अउर बीमारन क खाट प डारि कइ जहँइ तहाँ समाचार पाइ कि ऊ हइ, हुआँ—हुआँ लिएइ फिरइ। <sup>56</sup>अउर जहँइ कहुँ उइ गाँवन नगरन या बस्तिन म जाति रहइ, तउ बीमारन क बाजारु में राखि कइ उइते विनती करति रहइ कि ऊ उनहुन क अपन कपरा के आंचरु क छुइ लेइ देइ। अउर जितनेइ ऊ का छुवति रहइ, सइ चगेइ हुइ जाति रहइ।

#### परम्परा पालइ का सवाल

**7**तबइ फरीसी अउर कइयउ याक सास्तरी जउन यरुसलेम ते आएइ रहइ, उइके पासइ इकट्टा हुइ गये। <sup>2</sup>अउर उनहुन उइके कइ याक च्यालन क असुद्ध यानी बिनयु हाथ धोए रोटी खाति देखिनि। <sup>3</sup>काहे ते फरीसी अउर सबइ यहूदी पुरानेन की रीति पइ चलति रहइ अउर जबइ तलक अच्छी तरह ते हाथन क नाई धोइ लेति तबइ तलक नाहीं खाति। <sup>4</sup>अउर बजारु ते आइकइ, जबइ तलक नहाइ नाई लेति तबइ तलक नाई खात, अउर बहुतइ अउरउ बातइ हई, जउनु मनई के खातिर उन्हे के पासइ पहुँचाइउ गई रहइ, जइसे कटोरन, लोटन अउर ताबे के बरतनन का थोउब अउर मांजबु।

<sup>5</sup>यहि ते उन फरीसियन अउर सास्तरिन ऊ ते पूछिनि की तोहार च्याला काहे पुरनियन की रीति पइ नाई चलति अउर बिनइ हाथन का धोए रोटी खाति हई?

<sup>6</sup>ऊ उन्हेते कहिसि कि यसायाह तुइ कपटिन के बारे म बहुतइ ठीक भबिसयवानी किहिस हइ, जइसा लिखउ हइ कि ई लोग ओठन के तउ हमार आदरु करति हई, पइ उन्हे का मनु मोहिते दूरि रहति हई। <sup>7</sup>अउर उइ बेकार म हमारि उपासना करति हई, काहे ते मनइन की आग्यन क धरम क उपदेसु कइ सिखावति हई।

<sup>8</sup>काहे ते तुम परमेसुर कि आग्या क टारि कइ मनइन कि रीतिन क मानति हउ।

<sup>9</sup>अउर ऊ उनते कहिसि,, तुम आपन रीतिन क मनइन के खातिर परमेसुर कि आग्या क केसुइ अच्छी

तरह ते टालि देति हउं <sup>10</sup>काहे ते मूसा कहिन हइ कि अपन बाप अउर महतारी का आदरु करउ, अउर जउन कउनउ बाप या महतारी क बुग कहइ ऊ जरूरइ मारि डारा जाय। <sup>11</sup>पइ तुइ कहिति इह कि अगर कउनउ अपने बाप व महतारी ते कहइ कि जउन कुछु तुमइका मोहिते लाभु पहुँचि सकति रहइ, ऊ कुरबान यानी संकलपु हुइ चुका हइ। <sup>12</sup>तउ तुम उइका ऊके बापु व उइकी महतारी की कछु सेवा नाई करइ देति। <sup>13</sup>ई परकार तुइ अपन रीतिनन ते, जउन तुम ठहरायेइहउ अउर अइस अइस बहुतइ कामन क करति हउ।

<sup>14</sup>अउर उइ लोगन क अपने पासइ बुलाइके उनते कहिसि तुम सबइ हमार सुनउ अउर समझउ। <sup>15</sup>अइसि तउ कउनउ चीज नाई हइ जउन मनई म बाहर ते समाइ कइ दुस्ट करइ पइ जउनु चीजइ मनई के भीतरि ते निकसति हइ, वइ ऊ का दुस्ट करति हई। <sup>16</sup>अगर कउनउ के सुनइ के कान होय तउ सुनि लेई।

<sup>17</sup>जबइ ऊ भीड़ के पासइ ते घर म गवा, तउ ऊ के च्यालन ई उदाहरन (दृस्टांत) के बारे म उइते पूछिसि। <sup>18</sup>ऊ उन्हेते कहिसि का तुम्हउ अइस नाहि समुझति हउ? का तुम नाई समुझति कि जउन चीज बाहर ते मनई के भीतर क जाति हइ, ऊ उइका दुस्ट नाई करि सकति। <sup>19</sup>काहे ते ऊ ऊके मन म नाई हइ, पइ पेटु म जाति हइ, अउर भंडारा म निकरि जाति हइ? ई कहि कइ ऊ सबइ खाइ की चीजन सुद्धइ ठहराइसि।

<sup>20</sup>फिर ऊ कहिसि, जउन मनई म ते निकसति हइ, उहइ मनई क दुस्ट करति हइ। <sup>21</sup>काहे ते भीतरि ते यानी मनइ क मनते, बुरिइय बुरी, चिन्ता, बेभिचारु। <sup>22</sup>चोरी, हत्या, दुसरे क मेहरारु ते गमनु, लोभ, दुस्टता, छलु, लुच्चापनु बुरी निगाह, निन्दा, अभिभाउ अउर मूरखता निकसति हइ। <sup>23</sup>ई सबइ बुरिय बातइ भीतरइ ते निकसति हइ, अउर मनइ क असुद्ध करति हइ।

#### दूसर धरम वालेन की बालिकन केर निरोग करति

<sup>24</sup>फिरि ऊ हुवां ते उठिकइ सूर अउर सैदा के देसन म आवा अउर एकु घरु मां गवा अउर चाहति रहइ कि कउनउ न जानइ, पर ऊ छिपि नाई सका। <sup>25</sup>अउर तुरतइ याक मेहरिया जेहिकी छोटी बिटिया म असुद्ध आतमा रहइ ऊ की चरचा सुनिकइ आई अउर उइके पांवन प गिरी। <sup>26</sup>ई यूनानी अउर सूरूफिनी की जाति की रहइ, अउर ऊ उइते विनती किहिसि कि हमारि बिटिया म ते दुस्ट आतमउ निकारि देउ।

<sup>27</sup>ऊ उड़ते कहिसि, पहिले लरिकन क तूपत होइ देउ, काहे ते लरिकन की रोटी लइ कइ कुत्तन के आगे डारब उचित नाई हइ।

<sup>28</sup>उइ उइका उत्तरू दिहिसि कि सचइ हइ परभु तउ कुत्तउ तउ भेज के नीचइ लरिकन की रोटी क चूर चार खाइ लेति हइ।

<sup>29</sup>ऊ वहिते कहिसि, ई बात के कारन चलिउ जाउ, दुस्तआतमा तोहरी बिटिया म ते निकसि गई हइ।

<sup>30</sup>अउर ऊ अपन घर आइके देखिसि कि बिटिया खाट पर परी हई अउर दुस्तआतमा निकरि गइ हइ। बहिर अउर हकलाने वाले को स्वस्थ करिन।

### बहिर अउर हकलउ केर चगो कीन

<sup>31</sup>फिरि ऊ सूर अउर सैदा के देस ते होति भये गलील की झील पइ पहुँचि गवा। <sup>32</sup>अउर लोगन याक बहिरे क जउन हकलउ रहइ उइके पासइ लाइ कइ ऊ ते विनती किहिसि, कि अपन हाथु उइ पइ राखई।

<sup>33</sup>तबइ ऊ उइका भीड़ ते अलगइ लइ गवा अउर अपन उंगलिन क उइके कानन म डारिसि अउर थूकि कइ उइकी जीभ क छुइसि। <sup>34</sup>अउर सरग की ओर देखि कइ आह भरिसि अउर उड़ते कहिसि 'इफ्तलह' यानी खुलि जाइ। <sup>35</sup>अउर उइके कान खुलि गे। अउर उइकी जीभ की गांठउ खुलि गई अउर ऊ साफु—साफु बोलेइ लाग।

<sup>36</sup>तबइ ऊ उइका चिताइसि उतनइ उइ अउर परचारू करइ लाग। <sup>37</sup>अउर उइ बहुतइ अचरजु म हुइ कइ कहइ लाग, उइ जउन कछु कहिसि सबइ अच्छइ कहिसि हइ, ऊ बहिर क सुनइ कि अउर गूगन क बोलेइ कि सकती देती हइ।

### चार हजार केर भोजनु

**8**ई दिनन म जबइ फिर बहुतइ भीड़ इकट्ठी भइ, अउर वहिके पासइ कछु खाइक नाई रहइ, त ऊ अपन च्यालन क नेरेइ बुलाइ कइ उन्हेते कहिन। <sup>2</sup>मोहिका ई भीड़ पइ तरसु आवति हइ, काहे ते ई तीनि दिनन ते बराबर हमरे साथइ हई, अउर उन्हेके पास कछुक खाइक नाई रहइ। <sup>3</sup>अगर हम उनहका भूखइ घर क भेजि देइ, तउ मारग म थकि कइ रहि जइहई काहे ते उन्हेमा ते कउनउ—कउनउ दूरि ते आए रहय।

<sup>4</sup>ऊके च्यालन ऊका उत्तर दिहिसि, कि ई जंगलु म यतनिय रोटिन क कउनु कहां ते लावइ कि ई छकि

जांय।

<sup>5</sup>ऊ उड़ते पूछिसि, तोहरे पास केती रोटी हुइ? उइ कहिन सात।

<sup>6</sup>तबइ ऊ लोगन क भूमि प बइठि कउ आग्या दिहिसि अउर वह सात रोटिन क लिहिन, अउर धनिबादु करकइ तोरिन अउर अपन—अपन च्यालन क देति गवा कि उन्हेके आगइ राखइ अउर उनहुन लोगन के आगेइ परोसि दिहिन। <sup>7</sup>उन्हेके पास थोरिय छोटी मछरिउ रहयं अउर ऊ धनिबादु कइकइ उइ ई लोगन के आगे रखई कि आग्या दिहिन। <sup>8</sup>यहिते उइ खाइके तूपत हुइगे अउर बचे भये टुकरन के साथ टोकरे भरिकइ उठाइनि। <sup>9</sup>अउर लोग चारि हजार के करीब रहई अउर उनका विदा किहिसि। <sup>10</sup>अउर ऊ तुरतइ अपन च्यालन के साथइ नावु पइ चढ़ि गइ 'दलमनूता' देसु म चला गवा।

<sup>11</sup>फिरि फरीसी निकरि कइ उड़ते बादु—बिबादु करइ लाग अउर उइका जांचइ के खातिर ऊ ते कउनउ सरग क चीन्हु मांगिनि। <sup>12</sup>ऊ अपन आतमा म आह भरिकइ कहिसि ई समउ के लोगु काहे चीन्ह दूढ़ति हइ। हम तोहिते सांचाइ के खातिर कहित हइ कि ई समउ के (पीढ़ी के) लोगन कउनउ चीन्ह नाइ दिया जइहइ। <sup>13</sup>अउर ऊ उन्हेका छोड़ि कइ फिरि नावु प चढ़ि गवा अउर पारइ चला गवा।

### फरीसीयन केर खमीर अउर हेरोदेस केर खमीर ते चौउकस रहउ

<sup>14</sup>अउर उइ रोटी लेइकै भूमि गे रहई अउर नाउ म उइके पास याकइ रोटी रहइ। <sup>15</sup>अउर ऊ उन्हेका चेताइसि कि देखउ फरीसीयन के खमीर अउर हेरोदेस के खमीर ते चउकस रहउ।

<sup>16</sup>उइ आपसेइ म विचारू कर कइ कहइ लाग कि हमरे पास तउ रोटी नाही हई।

<sup>17</sup>ई जानि कइ यीसु उड़ते कहन, तुम काहे आपसइ म ई विचारू करि रहे हउ कि हमरे पासइ रोटी नहीं हई? का अबइ तलक नाई जानति अउर समुझति?

<sup>18</sup>का तोहार मनु कठोर हुइगा हइ? का आखिन का राखति भएउ नाइ देखति अउर कान राखति भएउ नाईसुनति? अउर तुइका याद नाई? <sup>19</sup>कि जबइ हम पांच हजार के खातिर पांच रोटिन तोरेन रहई तउ तुम टुकरन कि किती टोकरी क भरि कइ उठायउ? उनहुन ऊ ते कहिन बारह टोकरिन क।

<sup>20</sup>अउर जबइ चारि हजार के खातिर सात रोटी रहई तउ तुम टुकरन के कित्ते टोकरे भरिकइ उठायउ रहउ? उइ उन्हेते कहिन, सात टोकरे।

<sup>21</sup>ऊ उन्हेते कहिन, का तुइ अबहूँ तलक नाहीं समुझति हौ?

#### बैतसैदा केर अन्धन केर जोति दान

<sup>22</sup>अउर उइ 'बैतसैदा' म आइ गये, अउर लोग एकु अंधे क उइके पासइ लइ आये अउर उइते बिनती किहिन कि उनका छुवइ। <sup>23</sup>ऊ (यीसु) उइ अंधे क हाथु पकरि कइ उइ गांव के बाहर लइ गवा, अउर उइकी आंखिन म थूकि कइ उइ पइ हाथन क राखिन अउर ऊ ते पूछिन का तुइ कछु देखत हइ?

<sup>24</sup>ऊ आंखि क उठाइ कइ कहिस हम मनइन का देखति हइ काहे ते उइ मोहिका चलतेइ भये देखाई देति हइ जइस पेड़।

<sup>25</sup>तबइ ऊ फिरि दुबारा उइकी आंखिन प हाथन क राखि अउर ऊ थियान ते देखिसि अउर चंगा हुइगे अउर सबइ कछु साफइ साफ देखइ लाग। <sup>26</sup>अउर ऊ उइते इव कहि कइ घरु भेजिसि कि ई गांव के भितरेइ पांवु न राखेउ।

#### पतरस यीसु को 'मसीह' सबीकारु करतु हय

<sup>27</sup>यीसु अउर उइके च्याला केसरिया फिलिप्पी के गांउ चले गये अउर मारग म ऊ अपन च्यालन ते पूछिसि कि लोग मोहिका का कहति हइ? <sup>28</sup>उनहुन उत्तर दिहिन, कि यहुन्ना, बपतिसमा देइ बाल, पइ कउनउ—कउनउ एल्लियाह अउर कउनउ—कनउन नबिन म ते याकउ कहति हइ।

<sup>29</sup>ऊ उन्हेते पूछिसि, पइ तुइ मोहिका का कहति हइ? परतस उइका उत्तर दिहिस, तू मसीह हइ।

<sup>30</sup>तबइ ऊ उन्हेका चितइ कइ कहिस कि हमार बारे म ई कउनउ ते न कहेउ।

#### यीसु अपन मिरितु केर भबिसवानी

<sup>31</sup>अउर ऊ उनहुन क सिखावइ लाग कि मनई के बेटवा के खातिर जरूरइ हइ कि ऊ बहुतइ दुख उठावइ अउर पुरनियइ, मायाजक महा पुरोहित अर सास्तरी उइ का तुच्छ समुझि कइ मारि डारइ अउर ऊ तीनि दिन के बादइ जी उठइ। <sup>32</sup>ऊ यीसु ई बात क उनते साफइ—साफ कहि दिहिस ई पइ पतरस उइका अलग लइ जाइ कइ झिड़कइ लाग।

<sup>33</sup>पइ ऊ फिरि कइ, अउर अपन च्यालन की ओर देखि कइ पतरस क झिड़कि कइ कहिसि कि हे सइतान, हमार समूहे ते दूरि होइ जाउ, काहे ते तुइ परमेसुर बातन पइ नाई, पइ मनइन की बातइ पइ मनु लगावति हइ।

<sup>34</sup>ऊ भीड़ क अपन च्यालन समेत पासइ बुलाइ कइ उन्हेते कहिसि, जउन कउनउ हमार पाछे आवा चाहइ, ऊ अपने आप ते इनकारु करइ, अउर अपन क्रूस उठाइ कइ हमरे पाछेइ हुइ लेइ। <sup>35</sup>काहे ते जउन कउनउ अपन परान बचावा चाहइ उइका खोइहइ, पइ जउन कउनउ हमार अउर सुसमाचारु के खातिर अपन परान खोइहइ, ऊ उइका बचइ हइ। <sup>36</sup>अगर मनइ सारेइ जगत क पावइ अउर अपन परान कि हानि उठावइ तउ उइका का लाभु होइ हइ? <sup>37</sup>अउर मनइ अपन परान के बदले का देइ? <sup>38</sup>जउन कउनउ ई विभचारी अउर पानी जाति (पीढ़ी) के बीच मोहिते अउर हमरी बातन ते लजइहइ मनई क बेटवउ जबइ ऊ पवितर पूतन के साथइ अपन बापु कि महिमा के सहितइ अइहइ वहितेउ ऊते लजइहइ।

**9**अउर ऊ उइते कहिस, हम तुमते सांचइ कहित हइ कि जउन हियां खड़ेइ हइ, उन्हेमा ते कउनउ अइस हइ कि जबइ तलक परमेसुर के राज क सामरथ सहित आवा भवा नाई देखि लेइ तबइ तलक मउत क सवातु कबहूँ न चखि हइ।

#### अपार बदलाव

<sup>2</sup>छे दिनन के बादइ यीसु, परतस, याकूब अउर यहुन्ना क साथइ लिहिन अउर अकेले म कउनउ ऊंचे पहार पइ लइ गये अउर उन्हेके समूहइ उइका रूपु बदलि गवा। <sup>3</sup>अउर उइके कपरा अइस चमकइ लाग अउर हियां तलक अइस उजर भवा कि धरती प कउनउ धोबिउ वइस उजर नाई करि सकति। <sup>4</sup>अउर उनका मूसा के साथइ 'एल्लियाह' दिखाई दिहिस अउर उइ यीसु के साथइ बातइ करति रहइ।

<sup>5</sup>ई पइ पतरस यीसु ते कहिन, हे रब्बी, हमार हियां रहबु अच्छा हइ, ई ते हम तीनि मंडप बनाई, याक तोहरे खातिर, याक मूसा के खातिर अउर याक एल्लियाह के खातिर। <sup>6</sup>काहे ते ऊ नाइ जानति रहइ, कि क उत्तर देइ।, यहिते कि वह बहुतइ डरि गयेइ रहइ।

<sup>7</sup>तबइ याक बादरु उनहुन क छाइ लिहिस अउर उइ बादरु म ते इउ सबदु निकरा ई हमार पियार बेटवा हइ, ऊ की सुनुउ।

<sup>8</sup>तबइ उनहुन यकायक चारउ ओर देखिन अउर यीसु क छोड़ि कइ अपने साथइ अउर कउनउ क नाई देखिन।

<sup>9</sup>पहार ते उतरति भये ऊ उन्हेका आग्या दिहिस कि जबइ तलक मनई क बेटवा मरेइ हुएन मते जी उठइ

तबइ तलक जउन कछु तुम देखेउहइ उइका केइ ते न कहेउ।<sup>10</sup>उइ ई बात क याद राखिन अउर आपस म वाद—विवादु करइ लाग की मरइ हुएनमते जी उठइ क का अरथु हइ।

<sup>11</sup>अउर उनहुन उइते पूछिन सास्तरी काहे कहति हई कि एलियाह का पहिले आउब जरूरी हइ?

<sup>12</sup>ऊ उनहुन क उत्तर दिहिस कि ए 'एलियाह' सचमुच पहिलेइ आइके सबइ कछु सुधारिहई पइ मनई के बेटवा क बारे म ई काहे लिखा हइ, कि ऊ बहुतइ दुखु उठइहइ अउर तुच्छ गिना जइहई? <sup>13</sup>पइ हम तुमते कहति हइ कि एलियाह तउ आइ चुका अउर जइस उइके बारे म लिखउ हइ उइ जउन कछु चाहिन उइके साथ किहिन।

### दुस्ट आतमन ते जकड़े बालक केर सुवस्थ करिन

<sup>14</sup>अउर जबइ ऊ च्यालन के पासइ आवा, तउ देखिस कि उइके चारउ ओर बड़य भारी भीड़ लागि हइ, अउर सास्तरी उइके साथ विवादु करि रहे हइ।

<sup>15</sup>अउर उइका देखतइ सबइ बहुतइ अचरज करइ लाग अउर उइकी ओर दउरि कइ उइका नमस्कार किहिन (परनामु किहिन)।

<sup>16</sup>ऊ उइते पूछिसि तुइ इनते का विवादु करि रहा हइ?

<sup>17</sup>भीड़ मते याक उइका उत्तर दिहिस कि हे गुरु, हम अपन बेटवा क जेहिमा गूगी आतमा समाइ हइ तोहरे पासइ लायन हइ। <sup>18</sup>जबइ कहूँ ऊ उइका पकरति हई अउर पटकि देति हइ अउर ऊ मुंह म फेनु भरि लावति हइ अउर दांतु पीसति अउर ऊ का निकारि देइ पइ उइ न निकरि सके।

<sup>19</sup>ई सुनि कइ ऊ उनते उत्तर दइ कइ कहिस कि हे विसवासु न करइ वालेन लोगउ हम कबहि तलक तोहरे साथइ रहिबइ? उहिका हमरेइ पास लावउ।

<sup>20</sup>तबइ वह उइका उइके पासइ लइ आएइ अउर जबइ ऊ उइका देखिस, तबइ ऊ आत्मा तुरतइ उइका मरोड़िस अउर ऊ भूमि पइ गिरि पड़ा अउर मुंहते फेनु बहावति भवा लउटइ लाग।

<sup>21</sup>ऊ उइके बाप ते पूछिसि, ई की ई दसा कबते हइ? <sup>22</sup>ऊ कहिसि बचपनेइ ते, उइ ऊ का नास करइ के खातिर कबहूँ आगि पइ गिराइसि अउर कबहूँ पानी म गिराइसि। पइ अगर तुइ कछु कर सकइ, तउ हम पइ तरसु खाइ कइ हमार उपकारु करउ।

<sup>23</sup>यीसु उइते कहिन, अगर तुइ करि सकति हइ, ई का बात हइ? विसवासु करइ वाले के खातिर सबइ

कछु हुइ सकति हइ।

<sup>24</sup>लरिका क बाप तुरतइ गिड़गिड़ाइ कइ कहिसि, हे परभु हम विसवासु करति हइ, हमारि अविस्वासु क उपाइ करउ।

<sup>25</sup>जबइ यीसु देखिन कि लोग दौरि कइ भीड़ लगाइ रहे हई तउ ऊ असुद्ध आतमा क ई कहिकइ डांटिसि कि हे गूगी अउर बहिरी आत्मा हम तुइका आग्या देइति ह, उइ मां ते निकसि आउ, अउर उइमा फिरि कबहूँ परवेस न किएउ।

<sup>26</sup>तबइ उइ चिल्लाइ कइ अउर उइका बहुतइ मरोरि कइ निकसि आई अउर लरिका मरइ भवा सा हुइगा, हियां तलक कि बहुतइ लोगु कहइ लाग कि ऊ मरि गवा हइ। <sup>27</sup>पइ यीसु उइका हाथु पकरि कइ ऊका उठाइनि अउर ऊ खड़ा हुइगा।

<sup>28</sup>जबइ उइ घरइ आवा, तबइ ऊ के च्यालन अकेले म उइते पूछिन, हम उइका काहे न निकारि सकेन?

<sup>29</sup>ऊ उइते कहिसि कि ई जाति बिनइ पराथना कउनउ दूसर उपाय ते निकरि नाई सकति।

<sup>30</sup>फिरि उइ उहां ते चले अउर गलील ते हुइके जाइ रहेइ रहइ अउर ऊ नाइ चाहति रहइ कि कउनउ जानइ। <sup>31</sup>काहे ते ऊ अपन च्यालन क उपदेसु देति अउर उइते कहिसि कि मनई क बेटवा मनइन क हाथु म पकरावा जाई अउर वह ऊइका मारि डरिहई अउर ऊ मरइ ते तीनइ दिनु बाद जी उठि हई। <sup>32</sup>पइ ई बात उइके समझ म नाई आई अउर वह ऊ ते पूछइ ते डरति रहई।

### बड़उ कउन हइ

<sup>33</sup>फिरि उइ कफरनहूम म आए अउर घर मा आइ कइ ऊ उइते पूछिसि कि राह म तुम कउननी बात पइ विवादु करति रहउ। <sup>34</sup>वह चुप रहेइ, काहे ते राह म उइ आपसइ म उइ वाद विवादु करति रहई कि हममा ते बड़उ कउन हइ।

<sup>35</sup>तबइ ऊ बड़ठि कइ बारहुवन क बुलाइसि अउर उनते कहिसि अगर कउनउ बड़उ होइ क चाहइ तउ सबइ ते छोटु अउर सबइ क सेवकु बनइ।

<sup>36</sup>अउर ऊ याक लरिका क लइकइ उइके बीच म खड़ा किहिसि अउर उइका गोद म लइकइ ऊ ते कहिसि। <sup>37</sup>जउन कउनउ याक क अपनाइ हइ, ऊ मोहिका अपनाइ हई, अउर जउनु कउनउ हमार नाउ ते एइसइ लरिकन मते कउनउ मोहिका अपनावति, ऊ मोहिका नाई, बल्कि हमरेइ भेजे वाले क अपनावति हइ।

**जउन विरोधु म नाहिन उ हमार साथ**

<sup>38</sup>तबइ यहूना ऊ ते कहिस, हे गुरु हम याक मनई क तेरेइ नाउ ते दुस्ट आतमनन क निकासति देखेन अउरु हम उइका मनई करइ लागेन, काहे ते ऊ हमार पाछे नाई हुइ लेत रहइ।

<sup>39</sup>यीसु कहिन ऊ का मतइ मना करौ काहे ते अइस कउनउ नाहीं जउन हमार नाउ ते सामरथ का कामु करइ अउर जल्दी म मोहिका बुरइ कहि सकइ।  
<sup>40</sup>काहे ते जउनु हमार विरोधु म नाई हमरे ओरइ हइ।  
<sup>41</sup>जउन कउनउ याक कटोरा पानी तुइ ई खातिर पियावइ कि तुइ मसीह क हउ हम तुइ ते सांचइ कहित हई कि ऊ अपन उइका लाभु कउनउ रीति ते न खोई।

**दुसरे केर फंसावइ वाले केर खातिर चेतावनी**

<sup>42</sup>पइ जउन कउनउ इन्ह छोटन मते जउनु मोहि पइ विसवासु करति हई केहुक ठोकरु खिलावइ तउ ऊके खातिर भलेउ इहइ हई कि याक बड़िय चक्की क पाटु ऊ के गलेइ म लटकावा जाई अउर ऊ समुन्दर म डारि दीन जाई।<sup>43</sup>अगर तोहार हाथु तुइका ठोकरु देइ तउ उका काटि डारु टुंडा हुइकइ जीवनु म परवेसु करब, तोहरे खातिर ई ते भलइ हई कि तुइ हाथ रहति भयेउ नरक के बीचइ उइ आगि भंडारा जाई जउन कबहू बुझइ वाला नाई।<sup>44</sup>अउर अगर तोहार पांव तुइका ठोकरु देइ तउ उइका काटि डारउ।<sup>45</sup>लंगड़ा हुइ कइ जीवनु म परवेस करब, तोहरे खातिर ई भलइ हई कि दुइ पांव राखति भये नरक में डारा जाय।<sup>46</sup>अउर मुला तोहरी आखि तुइका ठोकरु खवावइ तउ उइ का निकारि डारउ। कनवां हुइकइ परमेसुर क राज म परवेस करब, तोहरे खातिर ई ते भलइ हइ कि।<sup>47</sup>दूनउं आखिन के रहति भए तुइ नरक म डारा जाई।<sup>48</sup>जहइ उइका किरवउ नाई मरति अउर आगिउ नाई बुझति।<sup>49</sup>काहते ते हर याक जन आगइ ते नमकीन किया जइहई।

<sup>50</sup>नमकु नीकइ हइ, पइ अगर नमकु की नमकीनी जाति रहइ तउ उइमा केहिते सुवादु लइहउ? अपने म नमकु राखउ अउर आपसउ म मेलि—मिलापु ते रहउ।

**तलाक**

**10** फिर ऊ हुवां ते उठिकइ यहूदिया के सिवानन म अउर यरदन के पारइ आवा, अउर भीड़ उइके पासइ फिर इकट्टा हुई गइ अउर ऊ अपन रीति के अनुसारइ उइका फिर उपदेसु देइ लाग।

<sup>2</sup>तबइ फरीसियन उइके पासइ आइकइ ऊ का इम्तिहानु लेइ के खातिर उइते पूछिन, का इव उचित हइ, कि मनई अपन मेहरारु क छोड़इ?

<sup>3</sup>ऊ उइका उत्तर दिहिस कि मूसा तुमहू का आग्या दिहिन हई?

<sup>4</sup>उनहुन कहिन मूसा तियागु पत्तर दिइ कि अउर तियाग कि आग्या दिहिन हइ।

<sup>5</sup>यीसु उइते कहिन कि तोहार मनई कि कठोरता के कारन ऊ तोहरे खातिर ई आग्या लिखिस।<sup>6</sup>पइ सिरिस्टी के सुरुआति ते परमेसुर नारी अउर नर बनाइ कइ उनहका बनाइन हई।<sup>7</sup>ई कारन मनई अपन महतारी बापू ते अलग हुइ कइ अपन मेहरारु के साथइ रहिहइ अउर उइ दूनउ एकइ तनु हइ।<sup>8</sup>ई खातिर अब दुइ नाई पइ एकइ तनु हइ।<sup>9</sup>ई खातिर जेहिका परमेसुर जोरिस हइ उइका मनई अलगु न करइ।

<sup>10</sup>अउर घरउ म च्यालन ई बारे म उइते फिरि ऊ पूछिनि।<sup>11</sup>उइ उनहते कहिस, जउन कउनउ अपन मेहरारु क तियागु करि कइ दुसरे ते बियाहु करइ तउ ऊ पहिली के विरोधु म विभचारु करति हइ।<sup>12</sup>अउर अगर मेहरारु अपन मनई क छाडि कइ दुसरे ते बियाहु करइ, तउ ऊ विभचारु करति हइ।

**लरिकन केर आसिरवाडु**

<sup>13</sup>फिरि लोग लरिकन क ऊ के पाइस लावइ लाग, कि ऊ उइ पइ हाथु राखइ, पइ च्यालन उइका डाटिन।<sup>14</sup>यीसु ई देखि कइ किरोधु करिकइ उनहते कहिन, लरिकन क हमरे पासइ आवइ देउ अउर उइका मना न करउ, काहे ते परमेसुर क राज अइसनइ क हइ।<sup>15</sup>हम तोहिते सांचइ कहति हइ कि जउन कउनउ परमेसुर क राज क लरिका कि नाई, अपनावति हइ, ऊ कबहू उइ मा परवेसु नाइ पाइ सकिहई, नाई घुसि पइहई।<sup>16</sup>अउर ऊ उनहका गोद म लिहिस अउर उइ पइ हाथु राखि कइ उनहका आसीरबाडु दिहिस।

**धनवान मनई**

<sup>17</sup>अउर जबइ ऊ निकसि कइ मारग म जाति रहइ तबइ याक मनई उइके पासइ दउरति भवा आवा अउर उइके आगेइ घुटनन क टेकि कइ ऊ से पूछिसि, हे महान गुरु, अनन्त जीवनु क अधिकारी होइके हम का करी?

<sup>18</sup>यीसु उइते कहिन तुइ मोहिका महान काहे कहित

हइ? कउनउ महान नाई, केवलु याक यानी परमेसुर महान हइ।<sup>19</sup>तुइ आग्या क तउ जानति हउ, हतिया न करेउ, विभचारु न करेउ, अपन बाप व महतारी क आदरु कियेउ।

<sup>20</sup>ऊ उनहते कहिस, हे गुरु इन्ह सबइ क हम लडकपनइ ते मानति आयेन हइ।

<sup>21</sup>यीसु उइ पइ निगाह करिकइ वहिते परेमु किहिसि अउर उइते कहिसि तोहिमा याक बात कि कमी हइ, जाउ जउनउ कछु तोहार हइ, उइका बेचिकइ कंगालन क देउ, अउर तोहिका सरग म धनु मिलिहइ, अउर आइ कइ हमरे पाछे हुइ लेउ।

<sup>22</sup>ई बात ते उइके चेहरे पइ उदासी छाइ गयी अउर ऊ सोकु करति भवा चलउ गवा, काहे ते ऊ बहुतइ धनवान रहइ।

<sup>23</sup>यीसु चारिउ ओर देखिकइ अपन च्यालन ते कहिन, धनवानन क परमेसुर क राज म परवेसु करबु कइस कठिन इ।

<sup>24</sup>च्याला उइकी बात ते चकित भये यई पइ यीसु फिरि उन्हे का उत्तरु दिहिन, हे लरिकउ, जउन धन पइ भरोसा करति हइ उन्हे के खातिर परमेसुर के राज म परवेस करब कठिन हइ।<sup>25</sup>परमेसुर क राज म धनवान के परवेस करइ ते ऊँट के सुई के नोक मते निकसि जाब सहजइ हइ।

<sup>26</sup>वह बहुतइ चकित हुइ कइ आपसइ म कहइ लाग तउ फिरि केहिका उधारु होइ सकति हइ।

<sup>27</sup>यीसु उनहिन कि ओर देखिकइ मनइन ते तउ ई नाई हुइ सकति पइ परमेसुर ते हुइ सकति हइ काहे ते परमेसुर ते सबइ कछु हुइ सकति हइ।

<sup>28</sup>पतरस उइते कहइ लाग कि देखउ हम तउ सबइ कछु छाड़ि कइ तोहरे पाछे हुइ लियेन हइ।

<sup>29</sup>यीसु कहिन कि हम तुइते सांचइ कहित हइ कि अइस कउनउ नाई हइ जउन हमरे सुसमाचर के खातिर घरु या भइयन क या बहिनिन क या महतारी या बापु लरिकन या खेतन क छाड़ि दिहिस होई।<sup>30</sup>अउर अबउ ई समउ सउ गुना न पावइ, घरन अउर भाई बहिनिन क, महतारी—बापन क अउर लरिका वालेन अउर खेतन क, पइ अत्याचारु उपदरउ के साथइ अउर परलोक म अपार जीवनु।<sup>31</sup>पइ बहुतेरेइ जन पहिलेइ हइ पाछिन हुइ हइ, अउर जउन पाछिन हइ वह पहिल हुइ हइ।

**अपन मिरतू केर सम्बन्ध म यीसु केर भबिसवानी**

<sup>32</sup>अउर उइ यरुसलेम क जातइ भये राह म रहइ अउर यीसु उन्हे के आगेइ—आगेइ जाइ रहा रहइ,

अउर वह अचरज करइ लाग, तबइ ऊ फिरि उन बारहन लइकइ उनते ई बातन क कहइ लाग, जउन उइ पइ आवइ वालिइय रहइ।<sup>33</sup>कि देखउ हम यरुसलेम क जाइति हइ अउर मनई के बेटवा, महायाजकन अउर सास्त्रियन के हाथइ पकरावा जइहइ अउर वह ऊ का घातइ के योग ठहराइ हइ अउर दूसर धरम क मानइ वालेन के हाथन म सर्पि देहइ।<sup>34</sup>अउर वह उइका ठडन म उइइ हइ अउर उइ पइ थुकिहइ अउर उइका कोइन ते मरिहइ अउर उइ पइ घातु करिहइ, अउर तीन दिनन बादउ ऊ जी उठिहइ।

**यहुन्ना अउर याकूब केर निवेदन**

<sup>35</sup>तबइ जबदी क बेटवा याकूब अउर यहुन्ना उइके पासइ आइ कइ कहिसि, हे गुरु हम चाहित हइ कि जउन कछु हम तोहिमा मांगति हइ उहइ तुइ हमरेइ खातिर करउ।

<sup>36</sup>ऊ उनते कहिस तुइ का चाहति हइ कि जउन हम तोहरे खातिर करी।

<sup>37</sup>ऊ उन्हेते कहिसि कि हमका ई देउ कि तोहरी महिमा म हम मा ते याक तोहरे दाहिने अउर दूसर तोहरे बाएई बइठइ।

<sup>38</sup>यीसु उन्हेते कहिन, तुम नाही जानति हउ कि का मांगति हइ? जउन कटोरा हम पियइ क हन, क पी सकति है? अउर जउन बपतिसमा हम लेइ प हइनु, का लइ सकति हउ?

<sup>39</sup>उइ ऊ ते कहिन हमते हुइ सकति हइ। यीसु उन्हेते कहिन, जउन कटोरा हम पियइ पे हन तुम पीइउ अउर जउन बपतिसमा हम लेहउ।<sup>40</sup>पइ जिन्हके खातिर तयार किय गवा हइ, उन्हेका छोड़ि के अउर कउनउ क अपने दाहिने अउर अपन बायें बिठाइस हमार कामु नाई हइ।

<sup>41</sup>ई सुनिकइ दसउ, याकूब अउर यहुन्ना पइ, रिसियाइ लाग।<sup>42</sup>अउर यीसु उन्हेका पासइ बुलाई कइ उन्हेते कहिन तुम जानति हउ कि जउन दुसरे धरमन के हाकिम समझे जाति हइ, इ उन्हे पइ परभुता करति हइ अउर उन्हेमा ते जउन बड़ेइ हइ, उन्हे पइ अधिकारउ जतावति हइ।<sup>43</sup>पइ तुम्हमा अइस नाई हइ बल्कि जअनु कउनउ तुम्हते बड़उ होउब चाहइ ऊ तोहार सेवकु बनइ।<sup>44</sup>अउर जउनउ कउनउ तुम्ह मा परधानु होइक चाहइ ऊ सबन का दासु बनइ।<sup>45</sup>काहे ते मनई के बेटवा ई खातिर नाई आवा कि ऊ की सेवा टहलु करइ अउर बहुतन कि छुड़उती के खातिर अपन परान देई।

**अन्धे बरतिमाइ को निगाह दान**

<sup>46</sup>अउर वइ यरीहो म आइ गये अउर जबइ ऊ अउर उइके च्याला, अउर याक भारी भीड़ यरीहो ते निकसति रहइ तउ तिताइ क बेटवा बरतिमाई याक अंधरा भिखारी सड़क के किनारे बइठ रहइ। <sup>47</sup>ऊ ई सुनिकइ कि यीसु नासरी हइ, पुकारि पुकरि कइ कहइ लाग, कि दाउद कि सनतान यीसु मोहि पइ किरपा करइ।

<sup>48</sup>बहुतइ उइका डाटिनि कि चुपइ रहउ, पर ऊ अउरउ पुकारइ लाग कि हे दाउद कि सन्तान मोहि पइ किरपा करउ।

<sup>49</sup>तबइ यीसु ठहरि कइ कहिसि उइका बुलाउ अउर लोगन उइ आंधर क बुलाइ कइ ऊ ते कहिसि ढाढ़स बांधउ, हठउ ऊ तुइका बुलावति हइ। <sup>50</sup>ऊ अपन कपरा फेंकि कइ जलदी ते उठा अउर यीसु के नेरे आइ गवा।

<sup>51</sup>ई पइ यीसु उइते कहिसि, तुइ का चाहति हइ कि हम तोहरे खातिर कछु करी? अंधरा ऊ ते कहिस हे रब्बी, ई कि हम देखइ लागी।

<sup>52</sup>यीसु उइते कहिन, चलई जाउ,, तोर विसवासु तोहिका चंगा करि दिहिस हइ, अउर ऊ तुरतइ देखइ लाग अउर मारग (डगर) म ऊ के पाछेइ हुइ लिहिस।

**यरुसलेम म मसीह केर परवेश**

**11** जबइ उइ यरुसलेम के पासइ जैतून पहार पइ बैतफगे अउर बैतनिय्याह के पासइ आइ गए तबइ ऊ अपन च्यालन मते दुइ क ई कहिकइ भेजिसि। <sup>2</sup>ऊ अपन समूहे के गांउ म जाउ अउर उइमा पहुंचतइ याक गदही क बच्चा, जेहिकइ कबहूँ कउनउ नाई चढ़ा हइ (सवारी नाई किहिसि हइ), बंधा भवा तोहिका मिलिहइ, उइका खोलि लाउ। <sup>3</sup>अगर तोहिते कउनउ पूछइ ई का करति हउ? तउ कहेउ, परभु क ई ते प्रयोजन हइ अउर ऊ जल्दीइय उइका हियइ लउटाइ देहइ।

<sup>4</sup>उनहुन जाइ कइ ऊ बच्चा क बहिरेइ दुआर के पासइ चउक म बंधा भवा पाइसि अउर खोलइ लाग।

<sup>5</sup>अउर उन्हमा ते जउन हुवां खड़ा रहइ कउनउ कहइ लाग कि ई का करति हउ गदही के बच्चा क काहे खोलति हउ। <sup>6</sup>उइ जइस यीसु कहिन रहइ वइसइ उनते कहि दिहिस तबइ उइ उन्हके जाय दिहिस।

<sup>7</sup>अउर उनहुन बच्चे क यीसु के पासइ लाइकइ ऊ पइ बइठ गवा। <sup>8</sup>अउर बहुतेरेन खेतन म ते डारिन क काटि—काटि कइ फइलाइ दिहिन। <sup>9</sup>अउर जउन कउनउ उइके आगेइ आगे जाति अउर पाछे पाछे चलेइ

आवति रहइ, पुकारकर—पुकारि कइ कहति जाति रहइ कि होसाना धन्य हइ ऊ जउन परभु कइ नाम ते आवति हइ।

<sup>10</sup>हमार बाप दाऊद क राज जउन आइ रहा हइ, धन्य ई हइ आकासु म होसाना ऊंचिव ते ऊंचिव जगहन म होसना।

<sup>11</sup>अर ऊ यरुसलेम पहंचि कइ मन्दिरु म आवा अउर चरिउ तरफ कि सबइ चीजन क देखि कइ बारहुन के साथइ वैतनियाह गवा, काहे ते सांझ हुइ गवा रहइ।

**यीसु मंदिर केर साफ करिन**

<sup>12</sup>दुसरेइ दिन जबइ उइ बैतनियाह ते निकसे तउ ऊ का भूख लागि। <sup>13</sup>अउर उइ दूरइ ते अंजीरु क याक हरियर पेड़ देखि कइ नेरे गवा कि का मालूम उइमा कछु पाइ जाइ, पइ पत्तन क छोड़ि कइ कछु न पाइसि काहे ते फलन क समयु नाई रहइ। <sup>14</sup>ई पइ ऊ उन्हते कहिन अबते तोहार फलु कउनउ कबहूँ न खाय अउर उइके च्याला ई सुनि रहे रहइ।

<sup>15</sup>फिरि उइ यरुसलेम आइ गये, अउर ऊ मंदिर म गवा अउर उहां जउन लेन—देन करि रहेइ रहइ उनकहा बाहर निकारइ लाग अउर सरुफिनी के पीढ़न क अउर कबूतरन क बेचइ वालेन कि चउकिन क उलट दिहिन। <sup>16</sup>अउर मंदिर म ते हुइ कइ कउनउ बरतन लइकइ नाई जाइ दिहिसं <sup>17</sup>अउर उपदेसु कइ कह उनहुन ते कहिस क इउ नाई लिखा हइ कि हमार घर सबइ जानित के खातिर परारथना क घर कहलइहइ? परइ तुम्ह तउ ई का डाकुन की खोह बनाई दिये हउ।

<sup>18</sup>ई सुनिकइ महायाजक (महापुरोहित) अउर सास्तरी ऊ के नास करइ क अवसरु दूढ़इ लाग, काहे ते ऊ ते डरति रहइ ई ते कि सबइ लोग ऊ के उपदेसु ते चकित होत रहइ।

**सूखा भवा अंजीर केर बिरवा**

<sup>19</sup>अउर हर एकु दिन सांझ होतइ ऊ नगर ते बाहर जावा करत रहइ।

<sup>20</sup>फिरि भोर क जबइ वह उधर ते जाति रहइ तउ उनहुन उइ अंजीर के पेड़ क जड़ तलक सूखा भवा देखिन। <sup>21</sup>पतरस क ऊ बात याद आई गई अउर ऊ उइते कहिस हे रब्बी देखउ ई अंजीर क पेड़ जेहिका तुम सराप हिसि रहइ सूखि गवा हइ।

<sup>22</sup>यीसु उइका जबाबु दिहिन कि परमेसुर पर विसवासु राखेउ।

<sup>23</sup>हम तोहिते सांचइ कहित हइ कि जउन कउनउ ई पहारु ते कहइ, कि तुइ उखारि जाउ, अउर समुन्दर म जाइ परउ, अउर अपन मन म संदेह न करउ बल्कि विसवासु राखउ कि जउन कहित हई ऊ हुइ जइहई तउ ऊ के खातिर वइह होई। <sup>24</sup>इ खातिर हम तुमते कहित हई कि जउन कहुं तुम परारथना कइकइ मांगउ तउ बिसवासु करि केउ कि तोहिका मिलि गवा अउर तोहरे खातिर हुइ गवा। <sup>25</sup>अउर जबइ कबहुं तुइ खड़े भाए परारथना करति हउ तउ अगर तोहरे मन मां कोहू की ओर ते कछु विरोध हइ, तउ माफु करउ यहिते कि तोहार सरग का बापउ तोहरे अपराध का माफ करिहई। <sup>26</sup>अउर अगर तुहिउ छिमा न करउ तउ तोहार बापउ जउन सरग म हइ तोहार अपराध छिमा न करि हई।

### यीसु केर अधिकारु पइ संका

<sup>27</sup>वह फिरि यरुसलेम म आइगे अउर जबइ ऊ मंदिर म टहलति रहइ तउ महायाजक अउर सास्तरी अउर पुरनियन ऊ के नेरे आइ कइ पूछइ लाग। <sup>28</sup>कि तुइ ई काम क कउने अधिकारु ते करति हई? अउर ई अधिकारु क तोहिका कउन दिहिस हइ कि तुइ ई कामु क करइ?

<sup>29</sup>यीसु उइते कहिसि हमहू तुइते याक बात पूछित हइ, मोहिका जबाबु देउ: तउ हम तोहिका बताइब कि ई काम क कउने अधिकारु ते करित हइ। <sup>30</sup>यहुन्ना क बपतिसमा का सरग कि ओरइ ते रहइ या मनइन के ओरइ ते रहइ? मोहिका जबाबु देउ।

<sup>31</sup>तबइ तौ आपस मइ विवादु करइ लाग कि अगर हम कहीं, सरग की ओर ते तउ ऊ कहिहइ फिरि तुइ उइ का विसवासु काहे नाई किहिस। <sup>32</sup>अउर अगर हम कहीं मनई कि ओरइ ते तउ लोगन क डरु हइ, काते ते सबइ जानति हइ कि यहुन्ना सचमुचइ नवी हइ।

<sup>33</sup>यहिते उनहुन यीसु क जबाबु दिहिन कि हम नाई जानति: यीसु उन्हेते कहिस, हमहू तुम्हका नाई बताइति कि ई कामु क कउनु अधिकारु ते करित हइ।

### अंगूर केर बगीचे केर उदाहरनु

**12** फिर उदाहरनु दइ बातइ करइ लाग कि कउनउ मनई दाखु की बारी लगाइसि अउर ऊ के चारहु ओर बाड़ा बांधिसि रसु का कुंडु खोदिसि अउर गुम्मुटु बनाइसि, अउर किसानन क ठेका दइ कइ परदेसु चला गवा। <sup>2</sup>फिरि फलन क मौसमु म किसानन के पासइ याकु दासु क भेजिस कि ऊ

किसानन ते दाखु की बारी के फल का भागु लेई। <sup>3</sup>पइ उइ ऊ का पकरि कइ पीटेनि अउर छुछेइ हाथ लौटाइ दिहिन। <sup>4</sup>फिरि ऊ याक अउर दासु क उन्हेके पासइ भेजिसि अउर उनहुन उइका सिर फोरि डारिन अउर उइका अपमानु किहिन। <sup>5</sup>फिरि ऊ याक अउरउ क भेजिसि अउर उइ ऊ का मारि डारिन। तबइ ऊ बहुतन क भेजिसि। उन्हे मते उइ कितनेउ क पीटिन अउर कितनन क मारि डारिन।

<sup>6</sup>अब एकु रहि गवा रहइ, जउनु ऊ का पियारु बेटवा रहइ, अन्त म ऊ वहिउ क उन्हे के पासइ ई सोचि कइ भेजिसि कि उइ हमरे बेटवा आदरु कर हई।

<sup>7</sup>पइ उइ किसानउ किहिन इहइ तउ वारिस हइ अउर हम वहुक मारि डारी। तबइ मीरास हमार हुइ जाइ। <sup>8</sup>अउर ऊ का पकरि कइ मारि डारिन अउर दाखु की बारी के बहिरै फेंकि दिहिस।

<sup>9</sup>यहिते कि दाखु की बारि क स्वामी का करि हई? ऊ आइ के उइ किसान क नासि करि हइ अउर दाख की बारि अउरन के दइ देहइ? <sup>10</sup>का तइ पवितर सास्तरन कइ बचनु नाई पढ़िसि कि जउन पाथरन क राज मिस्त्रियन निकम्मा ठहराइन रहइ, उइके कोने क सिरइ छोड़ गवा। <sup>11</sup>ऊ परभु कि ओरइ ते भवा, अउर हमरी दिरिस्टी म उ अदभुत हइ।

<sup>12</sup>तबइ उइ ऊ का पकरवावा चाहिन, काहे ते उइ समझि गएइ रहइ कि ऊ हमरेह विरोधु म ई उदाहरनु दिहिसि हइ, (दिरिस्टान्त कहिसि हइ) पइ वइ लोगन ते डरेइ अउर ऊ का छोरि के चले गए।

### कैसर केर करवु

<sup>13</sup>तबइ उइ ऊ का बातन मं फंसावइ कि खातिर कयउ याक फरीसियन अउर हिरोदियन क ऊ के पास भेजिन। <sup>14</sup>अउर उनहुन आइ क अति कहिन हे गुरु हम जानति हइ कि तुइ सच्चाई हइ अउर कउनउ कि परवाहु नाई करति काहे ते तू मनइन क मुंह देखि कइ बातइ नाई करति! पइ परमेसुर का मारग ईमानदारी ते बतावति हइ। <sup>15</sup>तउ का कैसर क करवु उचित हइ कि नाई हम देई? ऊ उन्हेका कपटु जानि कइ ऊ ते कहिसि मोहिका काहे परखति हउ? याक दीनार हमरे पासइ लाउ कि हम देखी। <sup>16</sup>उइ लइ आए अउर ऊ उन्हेते कहिसि ई मूरति अउर ई नाम केहिक हइ? उनहुन कहिन कैसर का।

<sup>17</sup>यीसु उन्हेते कहिन जउन कैसर कहउ ऊ कैसर के अउर जउनु परमेसुर कहइ, परमेसुर क



देउ। तबइ उइ पइ ऊ पर बहुतइ अचरजु करइ लाग।

### पुनरुत्थान अउर बियाहु केर सम्बन्ध म परसन

<sup>18</sup>फिरि सदुकियन ऊ जउनि कहति हइ कि मरेइ हुअन क जी उठवु हइ अइ नाई। ऊ क पासइ आपके ऊ ते पूछिनि। <sup>19</sup>कि हे गुरू मूसा हमरेइ खातिर लिहिन हइ कि अगर कउनउ क भाइ विनइ सन्तान के मरि जाइ अउर ऊ के मेहरारू रहि जाइ तउ ऊ का माई ऊ की मेहरारू क बियाहि लेइ अउर अपन भाई के खातिर बसु चलावइ। उतू सात भाई रहइ। <sup>20</sup>पहिल भाई बियाहु करि कइ विनइ सन्तानु मरि गवा। <sup>21</sup>तबइ दूसरि मांइ ऊ मेहरारू क बियाहि लिहिसि अउर विनइ सन्तानु मरि गवा अउर वइसेइ तीसरउ। <sup>22</sup>अउर सातवें सनतान नाई भइ, सातवें पाछे ऊ मेहरारिउ मरि गइ। <sup>23</sup>यहिते जी उठइ पइ ऊ उन्हमां ते केहि की मेहरारू हुइहइ? काहेते ऊ सातउ की (पतनी) मेहरिया हइ चुकी रहइ।

<sup>24</sup>यीसु उनते कहिन का तुइ ई कारन ते भूल म नाई परे हउ कितइ न तउ पवितर सासतर क जानति हउ अउर परमेसुर कि सामरथ क। <sup>25</sup>काहे ते जबइ उइ मरे हुअन मेते जी उठि हुइ, तउ उन्ह मां बियाहु सादी नाई होइ पइ सरग के दूतन कि नाई हउ हइ। <sup>26</sup>मरेउ हुअन के जी उठइ के बारे म का तुइ मूसा कि किताबु म झाड़ी की कथा म नाई पढ़िसि, कि परमेसुर ऊ ते कहिसि हम अबराम क परमेसुर अउर इसहाक क परमेसुर अउर याकूब क परमेसुर हन? <sup>27</sup>परमेसुर मरे हुअन क नाई बलिक जियत रहइ वालेन क परमेसुर हइ, तउन उइ बड़िय भूल म परे हउ।

### सबते महानु आग्या

<sup>28</sup>अउर सासतरन म ते याक आइ कइ उन्हका विवाडु करति सुनिसि अउर ई जानि कइ कि ऊ उन्हका अच्छिय रीति ते जबाबु दिहिसि उइते पूछि सबते परधान आग्या कउनु कइ?

<sup>29</sup>यीसु उइका जवाबु दिहिसि सबइ अग्यन म ते परधान ई हइ, हे इसराएल सुनउ, परभु हमार परमेसुर एक इ परभु हइ। <sup>30</sup>अउर तुइ परभु, अपन परमेसुर ते अपन सारे मनइन ते अउर अन सारिय सक्ती ते परेमु राखउ। <sup>31</sup>अउर दूसरि ई हइ, कि तुइ अपन परोसी ते अपनेइ परेम राखउ, ई ते बढिकइ कउनउ आग्या नाई हइ।

<sup>32</sup>सास्तरी उइते कहिसि, हे गुरू बहुतइ ठीक। तुइ

सचइ कहिसि कि ऊ एकइ हइ अउर ऊका छाड़ि अउर कउनउ नाई। <sup>33</sup>अउर उइते सारेइ मन अउन सारिय बुद्धि अउर सारेइ परान अउर सारिय सक्ती के साथइ परेम राखउ, अउर पड़ोसियउ ते अपनेइ समान परेम राखउ, ई सारेइ होमन अउर बलिदान ते बढि कइ हइ।

<sup>34</sup>जब यीसु देखिन कि ऊ समझइ के जवाबु दिहिन हइ उइ ऊ के कहिन, तुइ परमेसुर राज ते दूरि नाई हइ, अउर कउनउ क फिरि ऊते कछुइ पुछइक साहसु न भवा।

### राजा दाऊद केर बंसज मसीह

<sup>35</sup>फिरि यीसु मंदिर म उपदेसु करति भये ई कहिन कि सास्तरी काहे कहित हइ, कि मसीह दाऊद क बेटवा हइ। <sup>36</sup>दाऊद खुदइ पवितर आतमा म हुइ कइ कहिसि हइ कि परभु हमार परभु ते कहन, हमरे दहिनेइ बइठ जबइ तलक कि हम तोहार बेनि क तोहरे पावन की पीढ़ी न करि देइ। <sup>37</sup>दाऊद तउ खुदई अपनेइ उहिका परभु कहित हइ, फिरि ऊ उइके बेटवा कहां ते ठहरति हइ? अउर भीड़ के लोगउ ऊ की आनन्द ते सुनति रहइ।

<sup>38</sup>ऊ अपन उपदेसु य उइते कहिसि सास्तरीयनते चउकस रहउ, जउन लखेइ कपड़ा पहिने भये फिरति हइ। <sup>39</sup>अउर बाजारन म परनामु, अउर पूजाघरन म परधान—परधान आसन अउर जेउनारन म परधान अस्थानउ चाहति हइ। <sup>40</sup>वह विधवा मेहरियन कइ घरन क खाइ जाति हइ अउर देखावइ के खतिर बड़िय देर तलक परारथना करति रहति हइ, ई अधिकइ दंडु पइ हइ।

### गरीब विधवा केर दान

<sup>41</sup>अउर ऊ मंदिर के भंडारे के समूहे वइसि कइ देखति रहइ कि लोग मंदिर के भंडारे म कउनी परकार ते पइसन के डारति हइ अउर धनवानन बहुतइ कछु डारिन। <sup>42</sup>इतनेइ म एकु कंगाल विधवा आइ कइ दुइ दमड़िया जउनु याक अथेले के बराबर होति रहइ, डारिस।

<sup>43</sup>तबइ उइ अपन चेलन के नेरे बुलाइ कइ ऊते कहिसि, हम तोहिते सचइ कहिति हइ कि मंदिर के भंडारे म डारेइ वालेन मा तेई कंगालन विधवा सबते बढि कइ डारिसि हइ। <sup>44</sup>काहे ते सबइ धन की बढ़ती मेते डारिन हइ पइई अपनी घटी म ते जउनु कछु उइका रहइ यानी अपन सारिय जीविका डारि दिहिसि हइ।

## मंदिर कइ बिनासु केर भबिसवानी

**13** जबइ ऊ यीसु मंदिर ते निकसि रहा रहइ तउ उके च्यालन म ते याक उइते कहिसि हे गुरु देखउ, कइस कइस पाथर अउर कइस कइस भवन हइ।

<sup>2</sup>यीसु उइते कहिन का तुइ ई बड़ेइ बड़े भवन देखउते हउ, इहां पाथर प पाथरउ बचइ नाई रहिहइ जउन ढावा नाई जाई।

<sup>3</sup>जबइ ऊ जैतून के पहार पइ कन्दिर के समूहे बइठ रहइ, तउ पतरस अउर याकूब अउर यहुन्ना अउर अन्द्रियास अलगइ जाइ कइ ऊते पूछिसि। <sup>4</sup>कि हमका बताउ कि ई बातइ कब हुइ हंइ? अउर जबइ ई बात पूरी होई?

<sup>5</sup>यीसु ऊ ते कहइ लाग, चउकस रहउ कि कउनउ तोहिका न भरमावइ। <sup>6</sup>बहुतेइ मोरइ नाउ ते आकइ कहि हई कि भइ वहई हंउ अउर बहुत्व क भरमार हई। <sup>7</sup>अउर जबइ तुम लड़ाइन अउर लड़ाइनि की चरचा सुनउ तउ न घबराएउ काहे ते इनका होउब जरूरी हइ पइ उइ समर अन्त न होई। <sup>8</sup>काहे ते जाति पर जाति अउर जार पइ राज चढ़ाई करि हइ अउर हर कहुं भुइडोल हुइ हई अउर मकान गिरि हई, ई बीडन क आरम्भु होई।

<sup>9</sup>पइ उइ अपन बोरेम उकस रहउ, काहेते लोग तोहिका महासभा उन म सौपि हंइ अउर तुइ पंचाइतनम पीटे जइहउ, अउर हमारे खातिर हाकिमन अउर राजन के आगे खदेइ किए जइहउ जेहिते उनके खातिर गवाही देउ। <sup>10</sup>पइ उइ जरूरइ हइ कि पहिलेइ सुसमाचार केर सबइ जातिन म परचारु किएइ जाइ। <sup>11</sup>जबइ उइ लइ जाइके तोहिका सौपि हइ, तउ पहिलेइ ते चिनत न करेउ, कि हमका कबि पइ जउन कछु तोहिका उइ घरी बतावा जाय, वहइ करेउ काहे ते, बोलइ वालेइ तु नाई हइ, लेकिन पवित्र आतमा हइ।

<sup>12</sup>अउर भाई क भाई अउर बाप क बेटवा घात करइ के खातिर सौपि ह अउर बेटवा वाले महतारी बाप विसेस म उठिकइ उन्का मरवाई डारि हई। <sup>13</sup>अउर हमार नाउ के कारन सबइ लोग तुमते वैरु करिहइ पर जउन मनई अन्त तलक धीरजु धरि रहिहई बल्कि उद्धारु होई।

<sup>14</sup>जबइ तुइ ऊ जरइ वाली, घिरना करइ वाली चीज का जहां उचित नाई हुवां खड़ी देखउ पढ़इवाला समुझि लेई तबइ जउन यहूदिया न होय वह पहारु प भागि जाय। <sup>15</sup>जउन उइ अपनेहु घरु ते कछु छत कोठे प होय अपन घर म परवेस

लेइ केर खातिर नीचे क न उतरेइ अउर न भीतरह जाई <sup>16</sup>जउन खेत में होय उइ अपन कपरन क लेइ के खातिर पाछेन कौ। <sup>17</sup>उन दिनन म जउन गरभवती अउर दूध पिलावइ वाली होइ हई, उन्के खातिर हाय, (दुखइ दुख होइ हई) <sup>18</sup>अउर पराथना किया करउ कि ई जाड़ेन म न होय। <sup>19</sup>काहे ते उइ दिन अइस कलेस के दिन हुइ हंइ कि सिरिस्टी क सुरुवइ ते जउन परमेसुर सिरजा हइ अबउ तलक न तउ भये न फिरि कबहुं हुइ हई। <sup>20</sup>अउर अगर परभु उइ दिनन क न घटावति, तउ कउनउ पराजित न बचति, पइ उइ चुनेइ हुएन के कारन जिन्हका ऊ चुनिसि हइ, उइ दिनन क घटाइसि। <sup>21</sup>उइ समय अगर कउनउ तोहिसे कहइ, देखउ, मसीह हियां हइ या देखउ, उहां हइ, तउ विसवासु न करेउ। <sup>22</sup>काहे ते झूठे मसीह अउर झूठेइ नवी उठि खड़े हुई हइ अउर चीन्ह अउर अदभुत कामन क देखइ हई अउर अगर हुइ सकइ तउ चुने दुवउ क करवाइ देय। <sup>23</sup>पइ तुइ चौकनना रहउ देखउ तोहिते सबइ बातन क पहिलेइ ते कहि दिहेन हइ।

<sup>24</sup>उइ दिनन म, उइ कलेस के बादइ सूरज अन्धेरु हुई अउर चन्द्रमा परकास न देई।

<sup>25</sup>अउर आकास ते तारउ गिरइ लागि हई अउर आकास केर सबइ सकितियां हिलाई जाइहै।

<sup>26</sup>तबइ लोग मनई के बिटवा क बडिय सामरथ अउर महिमा के साथइ बादलन म आवति देखि हई। <sup>27</sup>ऊ समय ऊ अपन दूतन क भेजिकइ धरती के ई छोर ते आकास के ऊ छोर तलक चारउ दिसा ते आपन चुनेइ भएन लोगन क यकडा करि हई।

<sup>28</sup>अंजीर के पेड़ ते ई उदाहरनु सीखउ जबइ उइकी डारि कोमल हुइ जाति, अउर पत्ता निकरइ लागति हई, तउ तुइ लेति हइ कि गरमी क समय निकट हइ। <sup>29</sup>इहइ रीति ते जबइ तुइ इन बातन क होतेइ देखुउ तउ जानि लेउ कि ऊ निकटइ हइ बल्कि दुआरेइ पइ हइ। <sup>30</sup>हम तुइते सांचि कहति हइ कि जबइ तलक ई सबइ बातइ नाई हुई लेहई तब तलक ई जात न रहि हई। <sup>31</sup>आकास अउर धरती टलि जइहई, पइ हमारि बातइ कबहुं न टलि हई।

## जागति रहउ

<sup>32</sup>उइ दिन या उइ घरी के बारे म कउनउ नाई जानति न सरग क दूत अउर न बेटवा, पर केवल पिता।

<sup>33</sup>देखउ जागति अउर पराथना करति रहउ, काहे

ते तु नाई जानति कि ऊ समउ कबइ अइहइ।<sup>34</sup>ई ऊ मनई की लइस दसा हइ जउनु परदेसु जाति अपन घर छोड़ि जाई अउर अपन दासन क अधिकार देय अउर हर याक का उइ का कामु जताइ देय, अउ दुआर पालक जागति रहइ कि आग्या देय।<sup>35</sup>यहिते जागतु रहइ काहे ते तुइ नाई जानति कि घर मालिक कब आई, सांझ केर या आधी राति केर या मुर्गा केर बांग देइ केर समउ या भोर क।<sup>36</sup>अइस न होय कि ऊ अचानक आइ कइ तोहिका सोवति पावइ।<sup>37</sup>अउर जउन हम तुइते कहिति हइ, वहइ सबन ते कहित हइ, जागति रहउ।

### बैतनियाह म यीसु केर अग्यजन

**14** दुइदिनइ के बाद फसह अउर अखमीरी रोटी क परबी होय वाली रहइ, अउर माहायाजक अउर सासतरी ई बात की खोजु म रहइ कि ऊ का काहे कइ छलु ते पकरि कइ मारि डारई।<sup>2</sup>यह कहति रहइ, कि परबी के दिन नाई, कबहूँ अइस न होय कि लोगन म बलवा हइ जाय।<sup>3</sup>जबइ ऊ बैतनियाह म समौन कोढ़ी के घर पइ भोजनु करइ बइठा भवा रहइ तवइ एक मेहरारु संगमरमर के बरतन म जटामासी क बहुमूल्य सुद्ध इतर लइकइ आई, अउर बरतन कइ तोड़िकइ इतर क ऊ के सिर पइ उड़ेलिसि।<sup>4</sup>पइ कउनउ कउनउ अपन मनई म रिसियाइ कइ कहन लाग ई इतरक काहे सत्यनासु किन गवा।<sup>5</sup>काहे ते ई इतर का तउ तीनिसउ दीनारउ ते अधिक मूल्य म बेचिकइ कंगलन कइ बांटा जाइ सकति रहइ अउर उइ ऊ का छिड़कई लाग।

<sup>6</sup>यीसु कहिन ऊ का छोड़ि देउ, ऊ का का सतावति हउ, ऊ तउ हमारे साथ भलाई किहिस हई।<sup>7</sup>कंगाल तोहरे साथइ सदइ रहति हइ, अउर तुइ जबइ चाहइ तबइ उनहन की भलाई करि सकति हउ।<sup>8</sup>जउनु कछु ऊ करि सकी, ऊ किहिसि ऊ हमरे गाड़े जाई कि तयारी म पहिलेइ ते हमरी देह पइ इतर मलिसि हइ।<sup>9</sup>हम तुइते सांचु कहित हइ कि सारेइ जगत म जहई कहीं सुसमाचार क परचार कीन जइहई उहां ऊके ई काम की चरचाउ ऊ के याद म की जइहई।

<sup>10</sup>तबइ यहूदा इस करियोती जउन बारह म ते याक रहइ माहायाजकन क नेरे गवा कि उइका उन्हेके हाथन पकरवाय देय।<sup>11</sup>उइ ई सुनिकइ आनन्द मगन भए अउर ऊ का रुपियन क स्वीकार किहिन, अउर ई अवसरु क दूहइ लाग कि ऊ का कउनउ पकरवाइ देइ।

### आखिरी भोजु

<sup>12</sup>अखमीरी रोतिक परविक पहिलेइ दिन जेहिमा उइ फसह क बलिदानु करति रहइ ऊ के च्यालन ऊ ते पूछिसि तू कहां चाहति हइ कि हम जाइके तोहार खातिर फसह जाउ कि तय्यारी करई?

<sup>13</sup>ऊ अपन च्यालन मेते छुइ के ई कहि कइ भेजिसि, कि नगर म जाउ अउर एकु मनई जलु क घड़ा उठाए भए तोहिका मिलि हई ऊ के पाछे हुइ लिएउ।<sup>14</sup>अउर जउनइ घर मा जाइ, ऊ घर के मालिक ते कहउ, गुरू कहति हइ कि हमार पाहुन साला, जेहिमा हम अपन चेलन के साथइ फसह खाई ऊ कहां हइ।<sup>15</sup>यू तोहिका याक सजी सजाई अउर तयार की भई बड़ी अटारी देखाइ, उहां हमार खातिर तयारी करउ।

<sup>16</sup>यहिते च्याला निकरि कइ नगर म आए अउर जइस ई उनते कहिसि रहइ, वैसइ पाएन, अउर फसल तयार किहिन।

<sup>17</sup>जबइ सांझ भई, तउ ऊ बारहउ के साथइ आवा।<sup>18</sup>अउर जबइ वइ वइठि भोजनु करि रहे रहई, तउ यीसु कहिन, हम तो सबते सांचु कहति हई, कि तुइ म ते एकु जउनु हमरे साथ भोजनु करि रहा हइ मोहिका पकरवहई।

<sup>19</sup>ऊ पइ उदासी छाई गई अउर वइ याक—याक करिकइ ऊ ते कहइ लाग, का उइ हम हन?

<sup>20</sup>ऊ उनते कहिसि वह बारहवन मा ते याक हइ, जउनु हमरे साथइ थाली म हाथु डारति हइ।<sup>21</sup>काहे ते मनई क बेटवा तउ, पाइस उइके बारे म लिखउ हइ, जाइत हइ, पइ उइ मनई क धिक्कार, जेहिके जरिए मनई क बेटवा पकरवावा जाति हइ। अगर उइ मनई क जनमु न होति, तउ ऊ के खातिर भलउ होति।

<sup>22</sup>अउर उइ जवइ खाइ रहे तउ ऊ रोटी लिहिसि अउर असीसु मांगि कइ ऊ का तोरिसि अउर उनहन क दिहिसि अउर कहिसि लेउ ई हमार देह हय।

<sup>23</sup>फिरि उ कटोरा लइकइ परमेसुर क धन्यवाद दिहिसि अउर उनहन क दिहिसि अउर उइ सबइ ऊ माते पीहिन।

<sup>24</sup>अउर ऊ उनते कहिसि ई वाचा कि हमार ऊ लहू हइ, जउन बहुतन के खातिर बहावा जाति हइ।

<sup>25</sup>हम तुइते सांचइ कहति हइ कि दारु क रस उइ दिन तलक फिर कबहूँ न पियवा, जबइ तलक परमेसुर के राज म नया न पियउ।

<sup>26</sup>फिर वह भजनु गाइ कइ बाहर जैतून के पहार पइ चलेइ गये।

पतरस यीसु केर मुकरित केर भबिसवानी

<sup>27</sup>तबइ यीसु उइते कहिसि, तुम सबइ ठोकरु खइहउं काहे ते लिखउ हइ, कि भइ रखवाले क मारि हउ, अउर भेइ तितर—बितर हुइ जइ हई। <sup>28</sup>पइ हम अपन जी उठइ के बादइ तुइते पहिले गलील जइहउं।

<sup>29</sup>पतरस ऊ ते कहिसि, अगर सबइ ठोकरु खाय तउ खाय पइ हम ठोकरु नाइ खइहउं।

<sup>30</sup>यीसु उइते कहनि, हम तुइते सांचइ कहति हउ कि आजइ ई राति क मुगें के दुइ बार बांग देवे के पहिले तुइ तीनि बार मोहिते मुकरित जइहउं।

<sup>31</sup>पइ ऊ अउर जेरु दइ कइ कहिसि, अगर मोहि का तोहरे साथइ मरियउ क परइ तउ इनकारु कबहू न करिहउं इहइ परकार अउर सबइ उ कहनि।

गतसमने बाग म

<sup>32</sup>फिरि वह गत समने नाउ के याकु जगह म आइ ऊ आपन चेलन ते कहिसि, इहंइ बइठे रहउ, जबइ तलक हम पराथना करी। <sup>33</sup>अउर ऊ तरस अउर याकूब अउर यहुन्ना क अपन साथइ लइ गवा अउर बहुतइ अधीर अउर व्याकुल होइ लाग। <sup>34</sup>अउर ऊ उनते कहिसि, हमार मन बहुतइ उदास हइ, हियां तलक कि हम मरइ पर हन, तुइ हियां ठहरि जाय अउर जागति रहउं।

<sup>35</sup>अउर क थोरइ आगेइ बढ़ा अउर भूमि पइ गिरि कइ परारथना करइ लाग कि अगर हुइ सकइ तउ ऊ घरी मुंइ पइते टरि जाइ। <sup>36</sup>अउर कहिसि, हे अब्बा, हे बप्पा, तुइते सबइ हुइ सकति हइ, ई कटोरे क हमरे पास ते हटाइ लेउ। तउ जइस हम चाहति हइ, वइस नाई पइ जउन तइ चाहति हइ, वहइ होइ।

<sup>37</sup>फिरि ऊ यीसु जबइ आवा अउर उन्हेका च्यालन क सोवति पाइ कइ पतरस ते कहिसि अरे समौन तुइ सोइ रहा हइ? का तुइ याकउ घरिउ न जागि सका।

<sup>38</sup>जागति अउर परारथना करति रहउ कि तुइ परीच्छा म न पइइ आत्मा तउ तयार हइ पइ सरीर दुबला हइ।

<sup>39</sup>अउर ऊ फिरि चलइ गवा, अउर उहइ बात क कहिकइ परारथना किहिसि। <sup>40</sup>अउर फिरि आइकइ उन्हेका सोवति पाइसि, काहे ते उन्हे के अखिया नीद ते भरी रहइ, अउर नाई जानति रहइ कि उइका का जवाबु देय।

<sup>41</sup>फिरि तिसरउ बार आइकइ उन्हेते कहनि, अब सोवति रहउ, अउर विराम करउ, बसि, घरी पहुंची हइ। देखउ मनइक बेटवा पापिन के हाथु पकरवावा जाति हइ। <sup>42</sup>उठउ चलउ, देखउ, हमार पकरइवाला निकटइ आइ पहुंचा हइ।

यीसु बन्दी भवा

<sup>43</sup>ऊ इहइ कहिय रहा रहइ कि यहूदा जउन बारहन म ते रहइ अपन साथइ महायाजकन, सासतरिन अउर मुरवियनउ की ओर ते याक भारी भीड़ तलवारइ अउर लाठिन क लिये भये तुरतइ आइ पहुंची।

<sup>44</sup>अउर उइका पकरेइ वालेउ, उन्हे का इउ कहि दिहिसि कि जेहिका हम चूमीं अउर ऊ बहर हइ। उइका पकरि के जतन ते लइ जाएउ। <sup>45</sup>अउर ऊ आवा, अउर तुरतइ उइके नेरे जाइके कहिसि, अरे खली अउर ऊ का बहुतइ चूमिसि। <sup>46</sup>जबइ उनहुन प हाथु डारि कइ उइका पकरि लिहिस। <sup>47</sup>उन्हेमा ते जउन पासइ खड़े रहइ याक तलवारु खींचि कइ महायाजक के दासु पइ चलाइसि अउर ऊ का कानु उड़ाइ दिहिसि।

<sup>48</sup>यीसु ऊ ते कहनि, का तुइ डाकू जानि कइ हमरे पकरावइ के खातिर तलवारइ अउर लठियन क लइकइ निकसे हउ। <sup>49</sup>मइ तउ रोजु ई मंदिर म तोहरे साथइ रहि कइ उपदेसु दियत करति हइ। अउर तबइ तुम मोहिका नाई पकरिति, पइ इव ई कारन भवा हइ कि पवितर सास्तर कि बातइ पूर होय। <sup>50</sup>इ पइ सबइ चेलउ ऊ का छाड़ि के भागि गए।

<sup>51</sup>अउर याक जवानु नंगी देह पइ चादर ओढ़े भये ऊ के पाछेइ हुइ लिहिसि अउर लोगन उ का पकरिन। <sup>52</sup>पइ उइ चादर छोरि के नगर भागि गवा।

महापुरोहित केर समूहे यीसु

<sup>53</sup>फिरि वह यीसु क महायाजकन के नेरे लइ गये, अउर सबइ महायाजक पुरनिये अउर सास्त्री इकट्टे हुइ गये। <sup>54</sup>पतरस दुइ—दुइ के पाछेइ—पाछे महायाजक (महापुरोहित) के आंगन केर भीतर तलक गवा। अउर पियादन के साथइ बैठि कइ आगि तापइ लागि।

<sup>55</sup>महापुरोहित सारिइय महासभा यीसु क मारि डारइ के खातिर उइके विरोधु म गवाही कि खोजु म रहय पइ न पाइन। <sup>56</sup>काहे ते बहुतेरे ऊ के विरोधु म झूठी गवाही देइ रहे रहइ, पइ उनकी गवाही याक जइस नाई रहइ।

<sup>57</sup>तबइ कितनेउ उइकइ उइ पइ ई झूठी गवाही दिहिन। <sup>58</sup>कि हमई का ई कहति सुनने हइ कि हम ई हाथु ते बनाएइ मन्दिरु क ढहाइ देइल, अउर तीन दिनन म दूसर बनाइ देइब, जउनु हाथु ते न बना होई। <sup>59</sup>इ परउ उन्हेकेर गवाही यक सी न निकरी।

<sup>60</sup>तबइ महायाजक (महा पुरोहित) बीचइ म खड़े हुइ कइ यीसु ते पूछिसि कि तुइ कउनउ उत्तरु (जबाबु) नाई देति? ई लोग तुम्हरे विरोधु म का

गवाही देते हई? <sup>61</sup>पइ ऊ चुपइ रहा अउर कछुइ जवाबु नाई दिहिस। महापुरोहित (महायाजक) ऊ ते फिरि पूछिसि, तौ तुइ उइ परम धन्य क बेटवा मसीह हई।

<sup>62</sup>यीसु कहिन, हां हमहीं हन, अउर तुइ मनई के बेटवा क सक्तिमान कि दहिनी ओरइ बैठके, अउर अकासु के बादरन के साथइ आवति देखिहंड।

<sup>63</sup>तबइ महायाजक अपन कपरन क फरिक्इ कहिसि, अब हमका गवाहन अउर परयोजन नाई हई। <sup>64</sup>तुइ ई निन्दा क सुनेउ, तुम्हारि का राय हई? <sup>65</sup>तबइ कउनउ तउ ऊ पइ थूकइ कउनउ का मुंह ढांपइ, घूसन ते मारदूक अउर ऊ ते कहइ लाग कि भविसयु की बानी करउ अउर पियारन हा उइका लइकइ थप्पड़उ मारिन।

#### पतरस केर इन्कार करन

<sup>66</sup>जबइ पतरस नीचे के अंगना म रहइ, त महायाजक की सेवकन म ते याक उहां आई। <sup>67</sup>अउर पतरस क आगि तापति देखि कइ उइ पइ टकटकी लगाइके देखिति अउर कहइ लागि, तुहउ तउ उइ यीसु के साथ रहइ।

<sup>68</sup>ऊ मुकरि गवा अउर कहिसि कि हम तउ नाई जानिति अउर नाई समुझित कि तुइका कहति हई फिरि ऊ बाहर डेउड़ी म गवा अउर मुर्गा बांग दिहिस।

<sup>69</sup>ऊ नौकरानी उइका देखिकइ उन्हे जउनु नेरेइ खड़े रहइ फिरि कहइ लाग इउ उइमा ते याक हई। <sup>70</sup>पइ ऊ फिरिउ मुकरि गवा अउरु थोरिस देर बाद उनहन जउनु पासइ खड़े रहइ फिरि पतरस ते कहिनि जरुरइ तुइ उन्हे मां याक हई, काहे ते तुइ गलीलिउ हई।

<sup>71</sup>तबइ ऊ इनकारइ अउर सपथु खाइ लाग, कि हम उइ मनइक जेहिकी तुम चरचा करति हई नाई जानति।

<sup>72</sup>तबइ तुरतइ दूसरी बार मुर्गा बांग दिहिसि, पतरस क ऊ बात यदि आई जउन यीसु उइते कहिसि, रहइ कि मुर्गा के दुइ बार बांग देइते पहिले तुइ तीन बार इन्कार करिहई, ऊ कई बात क सोचि कइ रोवय लागी।

#### राज्यपाल पीलातुस केर समूहे यीसु

**15** अउर भोरु हुइ तइ तुरतइ महायाजक पुरनियन अउर सासतरियन नाई बल्कि सारिय महासभा सलाह कइ कय यीसु के बंधवाइस अउरु उइका

लइजाइ के पिलातुस के हाथन म सौंपि दिहिस।

<sup>2</sup>अउर पिलातुस उइते पूछिसि का तुइ यहूदियन क राजा हई? ऊ उइका उत्तर दिहिस कि तुइ आपइ कहति हई।

<sup>3</sup>अउर महायाजक उइ पइ बहुत बातन क दोसु लगाइ रहे रहउ। <sup>4</sup>पिलातुस ऊ ते फिरि पूछिसि, का तू कुछ उत्तर नाहीं देति देखेउ, यहु तुइ पर कितनिय बातन क दोसु लगावत हई? <sup>5</sup>यीसु फिरउ उत्तर नाहीं दिहिन, हियां तलकु कि पिलातुस क बड़इ आचरजु भवा।

<sup>6</sup>अउर ऊ वइ परतिम कउनउ याक बंधुए क जिहिका उइ चाहति रहइ उन्हे के खातिर छोड़ि दियइ करति रहइ। <sup>7</sup>अउर बरअब्बा नउक याक मनई उइ बवालियन क साथइ बंधुआ रहइ जउनु बलवा म हतिया किहिसि रहइ। <sup>8</sup>अउर भीड़ ऊपर जाइकइ उइ ते विनती करइ लागि कि वइसइ तुइ हमरे खातिर करति आवा हई वइसइ करइ।

<sup>9</sup>पिलातुस उन्हेका ई जवाबु दिहिस का तुइ चाहति हई, कि हम तुम्हरेन खातिर यहूदियन के राजा क छोड़ि देइ। <sup>10</sup>काहे ते ऊ जानति रहइ कि महायाजक उइका डाह ते पकरवाइस रहइ। <sup>11</sup>पइ महायाजक लोगन क उभारिन कि ऊ पर अब्बइ क उइके खातिर रिहा करि देई।

<sup>12</sup>ई सुनि कइ पिलातुस ऊते फिरि पूछिसि तउ जेहिका तुइ यहूदियन क राजा कहति हई उइका हमका करीं? वइ फिरि चिल्लाए कि वइका क्रूस पर चढ़ाइ देउ।

<sup>13</sup>पिलातुस उनते कहिसि, ई का बुराई कहिस हई।

<sup>14</sup>पइ उइ अउरउ चिल्लाइ उठे कि वइका क्रूस पइ चढ़ाइ देउ।

<sup>15</sup>तबइ पिलातुस भीड़ क परसन्न करइकै इच्छा ते बर अब्बा क उनके खातिर छोड़ि दिहिस, अउर यीसु क कोड़ा लगवाइ कइ सउपि दिहिस कि ई का क्रूस पइ चढ़ावा जाई।

#### सिपाहियन दुवारा उपहास

<sup>16</sup>अउर सिपाहिउ ऊ का कितने के भीतरी आंगनम लइ गए जउन प्रीटोत्युन कहलावति हई, अउर सारिय पलटन क बुलाइ लागे। <sup>17</sup>अउरु उइ ऊ का बैगनी कपड़ा पहिनाइन अउर काटेन का मुकुट गूंथ कइ ऊ के सिर पर रखिन। <sup>18</sup>अउरु ई कहि कइ ऊ का नमसकार करइ लाग कि हे यहूदियन के राजा नमस्कार। <sup>19</sup>अउरु वह ऊके सर पर मारति अउरु उइ पइ थूकति, अउरु घुटनेइ टेक कई उनका परनाम करति

रहई।<sup>20</sup>अउरु जबइ ऊ का ठट्टा करि सकइ तउ ऊ पइतै वैगनी कपरा उतारि कइ वहिकी कपरे पहिनाइन, अउरु तबइ ऊ का क्रूस पइ चढ़ावइ के खातिर बाहर लइ गए।

### सलीब

<sup>21</sup>अउरु सिकन्दर अउरु, रुफूस केर बाप समौन नाम केर याक कुरनी मनई जउन गांवु ते आवा रहइ उइ ओरु ते निकसा, उइ ऊ का बेगारी मां पकड़ा कि ऊ का सलीब उठाइ लइ चलइ।<sup>22</sup>अउरु वह ऊपर गुलगुला नाउकी जगह पर जेहिके माने खोपरी की जगह हइ लइ आए।<sup>23</sup>अउरु ऊ का मुर्ग मिला भवा दाख रस देइ लागे अउरु ऊ नाई लिहिस।<sup>24</sup>तबइ उइ ऊ का क्रूस पइ चढ़ाइन अउरु उइके कपरन पर चिट्टिन क डारि कइ कि केहिका का मिलइ उनका बोट लिहिन।

<sup>25</sup>अउरु पहर दिनु चढ़ि गवा रहय, जबइ उइ ऊका क्रूस पइ चढ़ाइन।<sup>26</sup>अउरु उइका दोसु पत्तर लिखकइ ओके ऊपर लगाइ दीन गवा कि “यहूदियन क राजा”।<sup>27</sup>अउरु उनहुन ऊ के साथइ दुइ डांकू याक पहिली दाहिनी अउरु याक वहिकी बायीं ओर सलीब पइ चढ़ावइ।<sup>28</sup>तबइ धरम सास्तरन का उइ बचन कि ऊ अपराधिन के साथइ गिना गवा पूर भवा।<sup>29</sup>अउरु मार्ग म जाइ वाले सिर हिलाय—हिलाय कइ अउरु ई कहि कइ ऊकी निन्दा करति रहइ कि वाहू। मंदिरन क ढाहइ वालेइ अउरु तीन दिन में बनावइ वालेइ। क्रूस पर ते उतरि कइ अपन आप क बचाइ लेइ।<sup>30</sup>इहर रीति ते महायाजकउ सासतरिन समेत।

<sup>31</sup>आपस म ठट्टा करति कहति रहइ कि ई अउरन क बचाइसि अउरु अपनेइ क नाई बचाइ सकति।<sup>32</sup>इस्राएल के राजा मसीह अबइ क्रूस पर ते उतरि आए कि हम देखि कइ विसवासु करीं अउरु जउनु ऊ के साथइ क्रूस पइ चढ़ाए गए रहई, वउ ऊ की निन्दा करति रहयं।

### परभु यीसु केर मिरतू

<sup>33</sup>अउरु दुपहर होइ पइ सारेइ देसु मां अधियारु छाइ गवा, अउर तीसरे पहर तलक रहा।<sup>34</sup>तीसरे पहर यीसु ऊंचे सब्दन मं पुकारि कइ कहिन ‘इलोई इलोई’ ‘लमा सबक तनी’? जेहिके माने ई हइ कि हे हमरे परमेसुर! हे हमार परमेसुर! तुहि मोहिका काहे छोरि दिहिस?

<sup>35</sup>जउनु पासइ खड़ेइ रहें उनमा ते कितनेउ ई सुनि

कइ कहिन देखउ, इव इल्लियाह क पुकारति हइन।<sup>36</sup>अउरु याक दौरि कइ, इस्पंजु का सिरका म डुबोइस अउर सरकंडे पइ रखकइ ऊ का चुसाइसि अउर कहिसि ठहरि जाउ देखउ, कि एल्लियाहु ऊ का उतारइ के खातिर आवति हई कि नाई।

<sup>37</sup>तबहू यीसु ऊंचे सब्दन ते चिल्लाइ कइ परान छोरि दिहिन।

<sup>38</sup>अउरु मंदिर क परदा ऊपरि ते नीचे तलक फटिकइ दुइ टुकरन म हुइ गवा।<sup>39</sup>जउनु सूबेदारु ऊ के समुहइ खड़ा रहई जबइ ऊ का ई चिल्लाइ कइ परान छोड़त भए देखिसि, तउ ऊ कहिसि, सचमुचइ ई मनई परमेसुर क बेटवा हइ।

<sup>40</sup>कइयउ मेहरियउ दूरि ते देखि रही रहय, उनमा मरियम मगदलीनी अउरु सलोमिउ रहइ।<sup>41</sup>जबइ ऊ गलील म रहई तबइ ई उइके पाछे हुइ लेति रहई अउरु उनकी सेवा टहलि करति रहयं। अउरु बहुतइ मेहरारिउ रहई जउनु ऊ के साथइ यरुसलेम मं आई रहयं।

### कबर मं रखा जाना

<sup>42</sup>जवइ सांझु हुइ गई तबइ इनके खातिर तयारी कु दिनु रहइ, जउनु सबत के याक दिन पहिलेइ होति हई।<sup>43</sup>अमरतिया क रहइ वाल यूसुफ आवा, जउनु परतीति ते मन्त्री अउर खुदउ परमेसुर के राज क बाट जोहत रहइ, ऊ हियाबु करि कइ पिलातुस के नेरे गवा अउर यीसु के लोथ क मांगिसि।<sup>44</sup>पिलातुस अचरज किहिसि कि ऊ इतनी जल्दी मरि गवा अउर सूबेदारु क बुलाइके पूछिसि, कि का उइका मरेउ भए देर भई? <sup>45</sup>ई ते जबइ सूबेदारु के जरिए हालु जानि लिहिस तउ लोथ क यूसुफ क दिलाइ दिहिस।<sup>46</sup>तबइ ऊ याक पतरी चादरु मोलु लिहिस अउर लोथक उतारुकइ उइ चादर म लपेटिसि अउर याक कवर मं जउन चट्टान म खोदी रही, अउर कवर के दुआर पर याक पत्थर लुढ़कई दिहिसि।<sup>47</sup>अउर मरियम मगदलीनी अउर योसेस की महतारी मरियम देखि रही रहयं कि ऊ कहां रखा गवा हइ।

### पुनरुत्थानु

**16** जबइ सब तक दिनु बीती गवा, तबइ मरियम मगदलीनी अउर याकूब की महतारी अउर सलोमी खुसबू वाली चीजन क खरीदिन कि आइ कइ ऊ (यीसु) प भलइ।<sup>2</sup>अउर हफता के पहिलेइ दिन तड़के भोरइ क जबइ सूरजु निकरइ वाला रहय वइ कबर प आइ गइ।<sup>3</sup>अउर आपसइ म

कहतिइ रहई कि हमरे खातिर कबर के दुआरे पड़ते कवनु लुढ़काइ हइ।

<sup>4</sup>जबइ उइ आंखि क उठाइन तउ देखिन कि पाथर लुढ़का भवा रहइ काहे ते बहु बहुतइ बड़इ रहइ।  
<sup>5</sup>अउर कबर के भीतरि जाइ कइ उइ याक जवान क सफेद कपरा पहिने भये दाहिनी ओर बैठि देखिनि अउर बहुतइ चकित भई।

<sup>6</sup>ऊ उन्हेते कहिसि चौंकउ नाहीं तुम यीसु नासरिक जउन क्रूस पै चढ़ावा गवा रहइ, दूढ़ति, हउ, ऊ जी उठा हइ, हियां नाई हइ, देखउ इहर ऊ अस्थानु इह जहई जउन ऊ का राखिन रहई।<sup>7</sup>पइ तुइ जाउ अउर ऊके चेलन अउर पतरस ते कहउ कि ऊ तुइते पहिलेइ गलील क जइ हई, जइस उइ तोहि ते कहिस रहई, तुइ हुवई ऊ का देखि हउ।

<sup>8</sup>अउर वइ निकरि कइ कवर ते भागि गई काहें ते कंपकंपी अउर घबराहदु उन्हे पइ छाइ गइय, रहई अउर अइ कउनउ ते कछु नाई कहिन, काहे ते डरतिय रहई।

<sup>9</sup>हफता के पहिलेइ दिन मारे होतइ ऊ जी उठि कइ पहिलेइ पहिल मरियम मगदलीनी क देखि गवा, जेहिमा ते उइ सातउ बुरी आतमा निकसी रहई।<sup>10</sup>ऊ जाइ कइ ऊ के साथिन क जउनु दुखु म डूबेइ रहई अउर रोइ रहे रहई, समाचार दिहित।<sup>11</sup>अउर उइ इव सुनिकइ कि ऊ जियति हइ अउर ऊ उइ का देखिति हइ, परतीत नाई किहिस।

<sup>12</sup>ई के बादइ ऊ दुसरे रूप मं ते दुइ क दिखाई

दिहिस जबइ उइ गांव की ओर जाइ रहे रहई।  
<sup>13</sup>उनहुन जाइकइ अउरन क समाचार दिहिन, पइ अहुन उन्हे किउ परतीति नाई किहिन।

<sup>14</sup>बादिक ऊ उइ ग्यारहउ क दिखाई दिहिसु, जबइ ऊ खाइक बइठइ रहई, अउर उन्हेके अविस्वासु अउर मनई की कठोरता पइ उलाहवउ दिहिस काहे ते जउनउ ऊ के जी उठइ के बादि ऊ का देखिन क रहई, इनहुन उइकी परतीति नाई किहिन रहई।

<sup>15</sup>अउर ऊ उनते कहिसि, सारइ जगत मं जाइके सगरे संसार क लोगन म सुसमाचार क परचार करउ।<sup>16</sup>जउन विसवासु करइ अउर बपतिसमा लेइ उइका मुकुति होई, पइ जउनु विसवासु नाई करिहई ऊ दोसी ठहरावा जइहई।<sup>17</sup>अउर विसवासु करइ वालेन के ई चीन्ह हुइहई कि वह हमारे नाउते बुरी आतमन क निकरिहई।<sup>18</sup>नइय नई मासन क वोलिहई, सांपन क उठाइ लेहई अउर अगर उइ नास करइ वाली चीजउ पाइ जइहई तउ उन्हेकी कछु हानिउ नाई होई उइ बीमारन प हाथु रखिहई अउर उइ चंगई हुइ जइहई।

<sup>19</sup>आखिर मं परभु यीसु उन्हेते बातइ करइ के बादइ सरग मं उठाइ लिए गए। अउर परमेसुर के दाहिनी ओर बइठि गए।<sup>20</sup>अउर चेलन निकरि कइ सबइ जगहन म परचार किहिन अउर परभु यीसु उन्हेके साथइ कामु करति रहा, अउर उइ चीन्हन केर जरिए, जउनु साथ साथ रहति रहई बचनन केर मजबूत करति रहई।